

剡錄卷一

縣紀年

越都督紹興府為縣八望曰嵯縣字書曰四山為縣

有嵯山鄞道元水經曰嵯又有嵯亭至嵯亭絕湍

險商客往來皆以裝束齊僕射張稷宰此縣生子

名嵯字四山虞騫至嵯亭詩命楫尋嘉會信次歷

漢剡縣屬會稽郡道書曰兩火一刃可以避災也梁載言十道志

曰諺曰兩火一刃可以逃自漢以來擾亂不少故

剡稱福地梅福四明山記曰魏楊德祖至四明山

逢一老人老人曰我見澗中涌泉流一金刀兩仙
人把神火赴之可往尋之德祖前行見德祖倏去
火及得水中金刀可長二尺二人者見德祖倏去
德祖曰兩火成炎字炎邊得刀是為剡字因號剡

NATIONAL CENTRAL LIBRARY, TAIWAN, R.O.C.



溪又曰剡山德祖為銘二百字刻此峯羅隱
剡景詩兩火一刀羅亂後會須乘興月中行

唐武德四年平李子通唐鄭言有平剡錄一卷以剡縣立嵊州及剡城縣

八年廢嵊州及剡城以剡縣仍屬越州趙嘏發剡中詩正懷王謝

俯長流更覽餘封識嵊州樹色老依官舍晚溪聲涼傷客衣秋南巖氣爽橫郭郭天姥雲晴拂宇樓日暮不堪還上馬蓼花風起路悠悠趙嘏詩蓋用嵊州也

皇朝宣和三年方臘平改剡縣為嵊縣知越州劉述

古言剡有兵火象欲以嵊名縣 詔從之

城境圖

城按漢剡縣城在今縣東北舊經曰嵊城周十二里高一丈厚二丈輿地志曰城開門向江縣不開南

門開即有寇唐武德中立剡城縣有城也枯蒼管晉修城記曰會稽縣八剡為清勝承平日久橫目習治庚子之冬睦寇狂勃剡寇應之縣有城壘圮弗克守為賊巢穴明年春師劉公述古統制一道掃清賊黨謂令張誠發庀徒度事課公督程出緡粟以餽夫孽地段以就役甫閱旬朝宇壁高堞城之環亘十有二里未幾寇率其徒擁梯壁下仰視宇壯失氣奪色將兵出銳掩之俘載自是竄伏孽不熾焉侯智宏遠知所先後借不急此孰與民保時績維茂磨石無愧宣和三年作

門

東曰東曦西曰西成南曰望仙北曰通越

坊

坊二十四曰訪戴秀異字民佐理集賢提繼錦通安繼孝齊禮遷善桃源兆慶迎春嘉會仁德弦

歌醴泉清河進德妙音豐義成俗化民

鎮

縣東一百步為剡鎮出舊經今廢邑民於縣西惠安寺前池內得一石題曰瞻都鎮又曰當鎮奉勅旨重開河池以防火燭已丑歲二月日間北淨池天慶觀有錢氏時東都文移蓋稱杭為西都越為東都此鎮即是剡鎮錢氏有所更易耳蛟井鎮在十五里舊經曰山下有井井有蛟因是為名宣和四年置

寨

長樂寨在縣西南五十里宣和三年知越州劉述

古奏置

管界寨在縣西七十里紹興二十年浙東諸司奏劾

境

在府南東一百八十里境東西二百七十六里南北七十里東至奉化縣一百四十里界陸嶺西至諸暨縣一百三十六里界勞嶺南至新昌縣一十五里界胡埭北至會稽縣五十五里界池湖東南到新昌縣界一十五里西南到東陽界九十里東北到上虞界六十六里西北到會稽縣六十二里

鄉

崇信鄉有休祥甘泉竹山懷安剡中里 筮節鄉
有灌濤昇仙馴習思善澄江里 靈山鄉有欽義
下閘靜安守義崇孝里 金庭鄉有昌化善政惟
新永寧緣德里 忠節鄉有三峯孝嘉石鼓忠節
修仁里 孝節鄉有新豐從化招安綏安方山里
孝嘉鄉有石鼓桐栢安樂忠節安義里 崇仁鄉
有感化霞丘靜林歸善愛敬里 永富鄉有克遜
西清東閘餘風禪房里 崇安鄉有澄清懷善依
賢化俗清安里 富順鄉有長敬新安溫泉慈烏
里 清化鄉有懷善開明欽賢習善招賢里 羅
松鄉有紫巖雙壁中川斷金豐樂里 剡元鄉有
尊賢澹城中和光明積善里 昇平鄉有承霞靜
豐尚賢大和五山里 仁德鄉有甘棠永樂餘糧
歸仁金塘里 方山鄉有金節永壽懷仁通山光
德里 禮義鄉有長安仙林平樂懷忠新安里
桃源鄉有永閘白泉長樂崇信安居里 積善鄉
有南巖雙壁中川豐樂斷金里 繼錦鄉有馴善
攀轅鳴弦戴星遷星里 開元鄉有靜居迴鄉招
仁居賢冰魚里 長樂鄉有崑山楊明剡元禮義
寧安里 太平鄉有壁潭擇賢懷仁建昌懷信里

康樂鄉有遊謝宿剡竹山康樂感化里 遊謝鄉
有康樂明登宿星暝投吹臺里 靈芝鄉有石床
東節正筠化善里

水經曰吳黃門即黃哀明居嵯縣弘訓里攷之地圖今無此里也莖節舊經曰莖音無字書曰莖莖也本尊通曰莖繼錦舊名治化天聖中邑人史淪登進士第其子叔軻繼之縣令魏琰改今名齊唐題史氏西園詩戴水寒流對軒檻桃源深徑入漁樵陳克詩雨裏落帆遊謝鄉寒桃古木共荒涼四山為我洗蒼玉况有故人歸上方故人汪彥章也時寓東山國慶院

官治志

縣治據剡山之陽歷坡而升樓觀竦峙頗似會稽府
譙登眺所臨溪山陳象如顧凱之所云千巖競秀萬
壑爭流者孔曄會稽記曰剡縣治在江東吳賀齊為
令始移今治公廳相直舊有德星堂名迎薰堂今堂
既廢扁榜亦不存所可考者有宣和間盧天驥詩云
剡溪詩尹亦何人作堂餉客名迎薰雖有桃李姓潘
人紅梅一窠香入雲東有東園有四山閣閣規模庫
隘寢就傾圯園存斷碑而已嘉定八年尹史安之誅
茅營新屋且撤舊而更之增敞縣樓廣四山閣即廳
之東為堂復舊迎薰之名其北為面山堂累石成山
玲瓏盤錯因山之趾注水為池雜藝卉竹相與映發
亭榭參錯殆十餘所皆史尹所創也

古今長

吳卜靜字玄風吳都人爲剡令

賀齊字公苗山陰人爲剡長吏斯從爲姦斬之從族

黨糾合千餘人攻縣齊開城門擊破之

晉周翼郗鑒之外甥少遇饑亂賴鑒得存郗云翼爲

剡縣令解職歸心喪終三年後歷青州刺史少府

鄉

謝奕字無奕陳郡陽夏人父裒爲吏部尚書奕少有

器鑒歷郡太守椽爲剡令有一老翁犯法謝以醇

酒罰而遣之累遷豫州刺史追贈鎮西大將軍

李充字弘度江夏鄆人初辟丞相椽嘗嘆不被遇殷

楊州知其家貧問君能屈志百里否李荅曰北門

之嘆久已上聞窮猿奔林豈暇擇木遂授剡縣令

殷曠之仲堪子有父風仕至剡令

宋王鎮之宋伯重祖耆之位中書郎父隨之上虞令

鎮之爲剡令並有能名

周顒字彥倫宋明帝頗好玄理以顒有辭義引入殿

內親近宿直帝所爲慘毒顒輒誦經中因緣罪福

爲之少止元徽中爲剡令有恩惠百姓思之

齊張稷字公喬母疾時稷年十一侍養夜不解帶每

劇則累夜不寢及終毀瘠過制杖而後起州里謂
之純孝齊永明中為豫章王嶷主簿以貧求為剡
令會山賊唐寓之作亂稷率厲部人保全縣境

梁王懷之剡令

陳徐陵剡令

唐張子胄剡令

皇朝令題名

周在田

晁

陳求古

譚雍

魏琰

林槩

章珣

蓋參

沈振

丁寶臣

過

胡格

高安世

聶長卿

江相

鄭宗回

劉繪

晏明遠

宋順國

施

侯臨

蘇駟

賈公述

宣德郎元豐六年
是年新官制行

宋廣國

錢長卿

王知元

吳賁

劉旦

呂必強

符綬

張慶遠

孫汝秩

孫潮

應彬

宋宗年

姜仲開

趙不退

郭康年

韓晦

趙渙之

趙伯楸

蘇詡

陳嘉謀

張商卿

鄭逸民

成欽亮

史析

張諤

俞應之

程容

鄒秉均

宋旒

莫伯翰

楊植

范仲將

錢塢

毛鐸

蔡純誠

李耆年

郭契夫

任望之

吳憐

李耆碩

韓元脩

李光弼

張注



國家圖書館, NATIONAL CENTRAL LIBRARY, TAIWAN, R.O.C.

李拓
葉毓
周悅
滕璘
謝槩伯
史安之
趙彥傳
蔣峴

陳謨
劉槩
詹義民
胡大年
趙汝遇
蔣志行
魏炬

劉長卿寄剡中諸官詩

訪舊山陰縣扁舟到岸涯故

林嗟滿歲春草憶佳期晚景
千峯亂晴江一鳥遲桂香留客處楓暗泊舟時
石曹娥冢空山夏禹祠剡溪多隱吏君去道相思

許渾送剡縣薛明府詩

車馬楚城豪清歌送濁醪露
花羞別淚煙草讓歸袍鳥浴

春塘暖猿吟暮嶺高尋
仙在仙骨不用廢牛刀

方干和陳明府登縣樓詩

郭裏人家如掌上簷前樹
木映牕檣煙霞若接天台

地分野應侵婺女星驛路古今通北闕仙溪日
夜入東溟綠衣才子多吟嘯公退時時見畫屏

方干送剡縣陳永秩滿歸越詩

俸祿三年後程途一
月間舟中非客路鏡

裏是家山密雪霽行袂藁盃變
別顏古今唯賀滿今潔解由還

王荆公寄丁元珍詩

溪水渾渾來自北千山抱水清
相射山深水急無艤子欲從故

人安可得故人昔日此水上樽酒扁舟刷行役津
亭把酒坐一笑我喜滿顏君動色論新講舊惜未
足落日低回已推客離心自醉不復飲秋果初寒
空滿席今年却生相逢處惆悵相逢別時迹可憐
溪水自南流安
得溪舟問消息

陸經送丁中允宰剡詩

塵土官曹幾處開君今作邑
好開顏落帆直向剡溪口入

境先登天姥山魚鳥半和風俗處雲霞多雜
簿書間雪晴須去尋安道不作經霄興畫還

王平父送聶剡縣兼呈沈越州詩
剡溪清瀉映檀藥
天姥花飛載酒缸
憶我少年來臘屐嗟君今日去鳴弦從容人樂漁
樵外瀟灑詩隨簿領邊太守相逢應見問為言多
病憶

林泉

丞治
在縣之東南
坊治東有日我軒

題名

季祐之

苗元裔

毛亶

趙士叟

曾勰

呂
今上
御名

時璫

章駟

吳枏

陳戍

吳道夫

項鶚

蘇彬

楊浚

俞杭

林通

沈昇

常棣

許穀

劉仝

王中孚

韓愿胄

周玘

高子津

梁立

陳彭壽

唐仲義

陳昌年

樓灑

沈俊心

解汝為
張子榮
趙崇謨
王彝倫



楊遵
應泰之
劉厚南

簿治 縣之右依剡山顏有登眺趣山址多林樾嘉定八年尹史安之初建于縣左訪戴驛之舊址治
有翔
風堂

題名

文繩世

吳雍

司馬僖

刁駿

蘇林

鄭圭

葉梓



劉士野

陳友仁

蔣鐔

靳名犯
今上御諱

江濤

趙崇規

趙善恕



陳秉禮

鄭宰

邊沂

趙諤夫

徐愿

沈文煥

鄭伯行

錢觀光

姜強立

李密

沈志

趙必鼎

羅隱寄剡溪主簿詩

金庭養真地朱篆勾稽官境勝
堪長往時危喜暫安洞連滄海

閩山擁赤城寒他日
拋塵土因君擬鍊丹

梅聖俞寄剡溪主簿臧子文詩

剡溪無淺深歷歷能
見底潛鱗莫苦窺塵

絃聊堪洗古木潭上陰遺祠巖
下啓應識道傍碑因風莫醪醴

尉治鄰丞治之東治
西有隱史軒

題名

吳秉

薛鎡

干闋

程衍

宋易

韓畫

楊炬

侯杞

林懋能

陸金

吳正國

魏興植

謝深甫

干汝功

林昇

趙舉

胡之邵

趙崇原

趙彥根

任謙之

姜漸



祝溥

杜師顏

張永

趙師向

陳紀

鍾闡

向士貴

錢聞善

宋元老

支文

吳元章

黃飛

邵三傑

榷官治

治在縣南三千步為稅所
廳舊在縣東遷善坊尹史安之移於縣西化民坊為酒所

社志

社舊經在西南後移在此嘉定八年尹史安之重建于縣西

學志

崇寧二年以舊學增建五年六月罷八月復置學五十區為緡錢一千四百三十有七糧為斛一千五百四十學長諭直學各一人齋長諭各一人學生文士五十人武生闕焉小學教諭一人小長一人學生四十人出政和學制嘉定八年尹史安之得絕產

舊經載孔子廟堂在縣東南慶曆八年縣令丁寶臣

所創臨川王安國平父為記今不存

修學碑慶曆八年五月旦

天之道運乎上地之道處乎下聖人之道行乎其中一物不生非天地之道一民不治非聖人之道自堯舜禹湯文武成康至孔子千餘年治天下者同其道也亂天下者異其道也剡令沈振初築學舍未及完而徙他官寶臣至則嗣而成之遷殿于其中塑孔子像高第十人配坐左右新門嚴嚴應門耽耽兩序翼翼中庭砥平令與學者春祓釋奠朔望朝謁於斯學也其可廢乎噫聖道與天地無窮

天地毀則聖人之道或幾乎熄學其可廢乎宣和中
于盜建炎元年令應彬建孔子殿後三年蜀郡
范仲將始置廊廡又明年淄川姜仲舒始大之

修學碑

紹興五年九月甲午

王銍汝陰

嶧西南隅群峰之麓下臨剡溪山川環拱氣象雄張
有學焉慶曆八年令丁元珍始加興葺宣和初焚
於兵建炎元年令應侯彬建孔子禮殿三年春蜀
郡范侯仲將崇廊廡備像設因其舊而斥大之又
明年淄川姜仲開以學爲急又建學堂移殿廡與
門南向致厚於學者靡不至也落成於紹興五年
秋先王建學校匪在絃誦威儀以德行道藝教養

成就其才將以明師友之道世無師友道不傳也
孔門各問獨於顏子告其大者子夏子張爲諸侯
師子貢築室原憲棄仕所被者遠也孔子沒而學
進者曾子也一以貫之許之以道矣曾子傳子思
子思傳孟子所謂忠恕所謂誠明所謂養氣一也
今夫辯足以使四方勇足以將三軍一爲不善不
足以訶僕妾氣懾失據不在太也是未聞曾子子
思孟子大勇于學者顯窮齊致生死不變蹈道自
樂至於沒齒不可一日廢其常心而也南渡王
謝孫李支許之倫初過浙江爲剡中山水清放之

遊一時稱高曾不知邑東餘姚有諸馮之地舜所
生也其北會稽之地禹所沒也舜禹亦萬世而
有見於遺俗亦聞聖人之至德乎范侯峻明高爽
健於立事姜侯剛明廉肅政在急吏寬民人大化
服郁郁然洙泗之風矣儒學爲吏師政事出經術
戎馬之間力興學校知急所先所立卓矣俾刻於
石知所勸焉性之外舅曾公衮以書稱此記曰會稽之地但知王謝風流不知諸馮禹跡寔爲風俗所繫其有益世教乎

修學碑

乾道癸巳七月

周汝士

左奉議即主管台州崇道觀

簿括蒼江公尉臨海謝公視事之初謁夫子廟歷視

傾歌上漏下濕諸生無所歸因愀然曰政孰先於
此同心之言其應如響於是定規摹審財用聚糶
糴命徒庸弊者葺之壞者新之課有限試有法誘
掖不倦發於至誠諸生激昂日進於學剡之文治
煇然一變蓋數十年未有也古之仕者以其所學
後之仕者以其所不學古之學者一毫末信而使
之仕雖聖人有所不能後之學者幸而入政往往
視所學爲空言謾不知省曰從事於斯吾知爲政
而已也不知所學爲何事也昔魯修學於公于
邁無少無大蜀起學官邦人向化鴻儒奇士間生

特起異時挾藻天庭淵源四海如游夏輩可不知所自耶

新學

舊在縣西五十步嘉定七年尹史安之移建于縣西南繼錦坊爲屋百區前有泮水秀異亭

嘉定七年史安之行尹事三嘆舊宮荒墮士失隸業相攸剡山庚允之隅樂其崇峻敞開山水明美如杜子美所謂剡溪秀異李太白所謂剡水石清妙者迺匠新宇轍轍鬼鬼志於鏗風教琢翹楚也嗚呼作學非難也繼難也繼非難也知爲難也然豈無知者乎晉湛方生修學教曰嶺舉雲霞之標澤流清曠之氣山秀水清荆璞在茲剡山水有之魏曹植孔子廟頌曰修復舊廟豐其甍宇莘莘學徒爰居爰處王教既備永作憲矩剡學者圖之

新學記

崦古剡也剡溪蘊秀異欲罷不能忘杜少陵之詩云爾夫秀異之氣周流磅礴鍾爲人物必有資稟英粹爲時翹楚者其可輕哉爰庀職成均日延四方士相與款語觀其爲人有端方者有謹厚者有志氣不羣者有俊敏可喜者品彙雜然未敢枚舉非獨通都大邦人才之所自出雖僻郡小邑亦未嘗

乏人因是思人才之生何地茂有今猶古也維古
盛時待士類甚厚長養磨淬不厭不勸息心德性
日益著明於是乎皆爲善士隨才器使有功有業
即今之士類而以古人長養磨淬之道與之周旋
遲以歲月則亦當有不可勝用之才豈不甚可賢
哉不惟膠庠如是抑郡若縣之學皆能用是以淑
士類承學之流躍然奮發者亦必多有之茲理甚
明任是責者不可不勉四明史侯之爲嵎宰也悼
學官之壞棟撓柱歌友友將壓俊秀朋來肄業無
所欲一新之役大而費廣資諸衆力義不可彊則

以身任之曰事未有不可爲者節浮冗室滲漏裕
財之源用由是足主簿徐君愿甚偉茲舉曰此吾
所欲爲願力不逮爾議罔不合事由是集舊學在
城之隈地非爽塏氣鬱不舒周覽以求勝處乃得
今地臨流負山面執宏傑經始於去秋而告具於
今春自大成殿至于兩廡重門自明倫堂至于東
西齋序自倉庫至于庖湍凡屋百間堅壯軒豁遂
成偉觀而纖芥不擾士業其中雍雍愉愉有雲飛
川泳之適侯及主簿君皆有書來屬樂善之變不
敢辭侯名安之字子由 太師之孫 今丞相之

從子生長金玉淵海之間益自砥礪不溺豪習而
留意於學宮如此可謂知本務矣諸安趨濡教育
何以報稱亦惟有志於道靜觀此心與天地同本
與聖賢同類我欲爲善誰能禦之充火然泉達之
端謹栝云茅塞之戒更相磨厲儒風大振則侯之
至望也尚勉之哉嘉定八年四月乙未朝散郎試
祕書少監兼國子司業兼國史院編修官寶錄
院檢討官袁燮記

淵源堂孔門像

荆周氏作淵源堂製先聖十哲坐像列畫七十二子

爲一堂闢富學輝聲集彥擢秀恢義五齋又有細
論堂蘊秀軒同襟館蘭馨室時永嘉王公十朋居
師席台溫秀士咸在館塾王公記曰孟子曰君子
深造之以道欲其自得之也說者因孟子之言論
淵源之學本乎自得非傳授所能嗚呼是見孟子
之言不究孟子之不必言也夫欲造道於未得之
前不資諸師友可乎必深造而後能自得非孟子
有所不能言未有舍師友而自能深造者此又孟
子所不必言也孟子知性爲善知道樂處乎仁義
爲七篇書其自得有如此者世之學者多矣自得

者鮮父兄之教子弟固非無師友也命之之意殆
 不過傳句讀習文詞爾鮮有及乎道學淵源望
 其深造自得可乎周君手誡子孫曰親師友之淵
 源噫君之家訓過人一等矣慮子若孫懈而弗遵
 爲名其堂且記其事似孫曰家有塾黨有庠古人
 之教也王公之記其叙若此豈不足以裨風化美
 習俗乎取以系諸學

進士登科題名

史綸 天聖五年
 王堯臣榜

茹約 慶曆二年
 楊真榜

史叔軻 綸之子景祐元
 年張唐卿榜

茹開 皇祐五年
 鄭鮮榜

姚勔 嘉祐四年
 劉煇榜

黃特 元祐六年
 馬洵榜

姚舜明 紹聖四年
 何昌年榜

黃唐傑 宣和三年
 何煥榜

茹紹庭 紹興十五年
 劉章榜

茹驥 紹興十八
 年王佐榜

周之綱 淳熙二年
 詹駉榜上舍

白公焯 淳熙十一
 年衛涇榜

周之瑞 淳熙十四年
 王容榜上舍

宋叔壽 紹熙四年
 陳亮榜

史安民 熙寧九年
 徐鐸榜

求移忠 紹聖元年
 畢漸榜

求元忠 崇寧二年
 霍端友榜

馬佐 紹興十三年
 陳誠之榜

周汝止 紹興十八
 年王佐榜

周汝能 紹興二十七
 年王十朋榜

唐錡 淳熙二年
 詹駉榜

石宗萬 淳熙十四
 年王容榜

郭綽 淳熙十四
 年王容榜

石宗魏 慶元二年
 鄒應龍榜

王復明 慶元五年
曾從龍榜

石孝溥 慶元五年
曾從龍榜

過文煥 開禧元年
毛自知榜

茹或 嘉定四年
趙運大榜

周宣子 嘉定十年
吳潛榜

周溶孫 嘉定十六年
蔣重珍榜

茹駸 慶元五年
曾從龍榜

任必萬 開禧元年
毛自知榜

周之章 嘉定元年
鄭自誠榜

姚鏞 嘉定十年
吳潛榜

過必采 嘉定十三年
劉渭榜

廩

舊在縣西山頭嘉定八年尹史安之移置縣前

驛

驛名訪戴舊在縣左之訪戴坊嘉定八年尹史安之
重建于東門之外水行而舟陸行而車皆於此判
袂人以為得津堦之要焉

艤雪樓

嘉定八年尹史安之新剏出東門在訪戴驛之南下
俯清溪前列疊嶂樓之下扁曰剡川一曲

戴溪亭

出南門枕碧溪有戴溪亭佳山清滿芊林古渡蔚茂
平遠盡入臨眺王鉉戴溪亭詩碧玉仙壺表裏清
我來閑伴白雲行四山迤邐青圍野一水蜿蜒碧
遶城試問春來觀秀色如何雨後聽寒聲者人飛
馭煙霞外落日空念萬古情又詩天上東風轉斗
星天涯羈客尚飄萍道塗只謾經殘歲風雪那堪

客旅亭春到怯添雙鬢白夜寒愁對一燈青絕憐
萬古淒涼恨不計樽前一醉醒玉梅溪戴溪亭詩
剡水照入碧剡山隨眼青吾來非雪興暫上戴溪
亭尚書芮公輝持憲節登此亭賦詩溪山之興無
時盡興盡名亭意可知出岫孤雲含細雨投林宿
鳥愛深枝風流已是千年事公案今成七字詩短
棹悠然隨所適人生出處要如斯亭舊名戴溪芮
公更爲興盡今仍舊名

放生池

出北門半里有亭名思波亭之前後皆有池

版圖

田為晦三十七萬五千七百三十八廢者為晦八千
四百二十今為晦三十六萬七千三百一十有二
嘉定以後晦

夏輸上供折帛錢爲緡四萬二千四百一十有九和
買爲緡一萬八千四百五十有一捐其冊失者合
輸緡萬有八千二百二十有九紬二百六十有九
綿爲兩二萬三千一百一十捐其冊失者合輸兩
二萬七百七十有八茶租爲緡七百四十二小綾二
百五十爲緡一千五百四十米爲斛二萬四百四

閣者斛五百有七合輸斛一萬九千剡曰厥上依
谿作碓厥中陂池爲利厥下者以雲雨爲豐凶其
得陂碓者十不能二三故田事磽薄農人艱難他
州豐剡不全熟而又稅重科濫催督罕經使已納
者不復輸合科者不復過則田磽農難尚庶幾焉
縣郭爲戶一千一百九十四爲丁一千八百九十五
嘉定以後

鄉落爲戶三萬二千爲丁五萬六千八百一十八嘉
定以後

兵籍

尉司弓兵一百人
長樂寨兵一百人
管界寨兵一百人

剡錄卷一

剡錄卷二

山水志用鄞道元注
水經凡例

剡山為越面縣治府宅其陽北出一峯曰星子峯比

他山稱峻竦岡隴迢遞與星婺脉絡其下曰剡坑

清湍潺潺行竹樹陰坑左右多果卉西為聖潭山

深而松秀中有潭穴泓泓可勺沃洲記曰東南山
水越為首剡為面

其山巔屹起一峯上有浮圖號白塔詩僧仲皎結
廬于此曰閑閑庵汝陰王銍賦詩賀家湖東剡溪

曲白塔出林山斷續雪中興盡酒船空境高地勝
何繇俗誰結禪居在上方山房曲折隨山麓箇中

非動亦非靜自是白雲蒼下宿世傳秦始皐東遊
使人斲此山以泄氣土坑深千餘丈號剡坑山在

銍有剡坑探梅詩嶺上寒梅自看栽山斜一半似
屏開春寒點點枝頭雨上有東流水過來坑澗之

沃洲記曰東南山水越為首剡為面

NATIONAL CENTRAL LIBRARY, TAIWAN, R.O.C.

水清激可愛 又多花果 東為嵯山山有嵯亭帶山臨江松嶺

森鬱沙水平淨 嵯山在東三十里水經曰山下有亭帶山臨江松嶺森鬱沙水平

淨又東為葦山山勢平整如設莞葦有白巖龍祠

碧潭淵淵用千霖雨其下眾流趨導湍石汎激浮

險四注 在東三十一里有白巖神祠并龍潭祈禱輒驗舊經曰山遙望之如鋪葦 又東

有四明山千岡萬崖巍與天敵陽巖陰嶂恠跡可

稽有謝遺塵居 在東三十里高二百一十丈周回二百一十里又縣亘上虞餘姚間

會稽地記曰四明山高峯躋日雲岫蔽天梅福四明山記曰四明山境內周回八百餘里內通八百

餘家居之其山四面形勢各有區分東為驚浪之山西拒奔牛之壑南則驅羊之勢北起走地之峭

其中通一溪曰葦溪東面七十峯號驚浪山其境接句章東為句章之地西面山狀如奔牛山中有

五峯形如芙蓉號芙蓉峯正是四明山之心其峯

有巖及石壁二峯生五種之芝自然花葉南七十

峯狀如驅羊號驅羊峯其地宛轉吐出清澗有七

源是四明山南門也其溪號為白溪西南有八峯

如會囊號八囊山向北有兩山如走蛇山足澗深

七十餘里是四明之北門梅福四明山記四明山

四面二百八十峯周回八百餘里山內生銀蘭香

草藥石乳梓松栢檉黃楊茗樹石鷺毛竹銀筍不

死之鹽孫綽天台賦曰涉海則有方丈蓬萊登陸

則有四明天台皮日休詩穴開自其宰四達見蒼

崖山中有九題者謝遺塵所居也張士遜送高學

士知越詩山影四明接溪聲萬壑流彭汝礪送越

帥程公闕詩一水北鄰千里海萬峯南揖四明山

絕東為三峯山其陰與鄞之雪竇山接岡嶺數

巨澗道奔流又有南山黃山與白石三山秀拔卓

立 水經曰東有葦山又南有黃山 又東為石鼓山山



有祠所謂石鼓者人踐焉石輒響答東五十里有石鼓神祠沃

洲記曰北對四明而金庭石鼓介焉諸暨縣亦有石鼓山又有動石山山下通

臨溪溪中巨石數百磊磊天欲雨石必先動山剡

深潭以宅龍物東五里又東為丹池山積翠縹緲雲

霞所興神仙之官也池有水赤色勺之潔白縣東七十

二里舊桐栢山唐天寶六載改為丹池道經日上

有桐栢合生下有丹池赤水南岳真人曰越有桐

栢金庭與四明天台相連神仙之宮也真誥曰桐

栢山高一萬五千丈周圍八百里四面視之如一

其一頭在會稽東海際其一頭入海中是金庭不

死之鄉在桐栢之中方四十里上有黃雲覆之樹

則蘇紆珠碧泉則石髓金精其山臺盡五色金也

經丹水而行有洞天從中過在剡臨海三縣之境

是為金庭洞天晉右軍羲之居焉墨池書樓遺雅

不絕金庭洞天台華頂之東門也名山洞天記曰

二十七洞曰金庭周圍三百里名金庭崇妙

之天在剡縣唐裴通記曰剡中山水之奇麗金庭

洞天也按上清經洞天在天台桐栢山中

方四十二里其北門在此小香壚峯頂人莫見之又曰晉王

右軍家于此山書樓墨池舊制仍在南齊道士褚

伯玉於此置金庭其南為刻石山山舊有衛夫人

觀乃右軍之家也碑山之半有巨井井有蛟南三十里十道志曰一

名不知文字所在昇明末縣人倪襲祖行獵見山上有文凡三處苔生其上刮苔視之其大石文曰黃天皇蕭字道成得賢師天下太平舊經曰或言衛夫人碑墮此中因以為名唐寶曆元年觀察使元稹使人然剡山水之奇深重複皆聚乎西具西曰太白山小白山峻極崔嵬吐雲合景趙廣信所仙也雙石筭對立如闕有趙廣信丹井廣信煉九華丹於此

水例於水瀑泉怒飛清被崖谷稱瀑布嶺嶺中產

在山之陽宋褚伯玉嘗隱茲峯峻極崔嵬吐雲合景嶺小白

山接趙廣信於此山煉九華丹真誥曰趙廣信陽

城人魏末渡江來此山師李一成服氣又授師左

君守中之道徹視五藏或入城市賣藥莫知其年

歲後白日升天上有白猿赤攬又有鳥似雞文彩

五色口吐綠綬長數尺號吐綬雙石笋各長五六

丈對立如闕瀑泉飛下號瀑布嶺土人亦稱西白

山按宋書褚伯玉隱身求志居剡縣瀑布山三十

餘載揚州辟議曹從事皆不就齊高帝為之築太

平館華鎮瀑布嶺詩序曰在嵯縣西六十里福善

所集蔚有靈氣者產仙茗寰宇記曰瀑布嶺屬餘

姚蓋此山聯在東白山立嘯猿亭嘯猿亭詩放意

接餘姚縣界在雲表飄然更自由挂煙群木冷啼月一山秋

在雲表飄然更自由挂煙群木冷啼月一山秋

晨清風裏淒淒碧澗頭三聲融妙聽行客若為愁

又疏山軒仲皎題東白山軒詩竹外泉聲急松

心月色寒人間推曠絕只自倚欄干在

西白山有一禪師道場二禪師道場仲皎遊西白

禪師道場詩勝景東西白高僧一二禪只知行道

處不記住山年澗月平分照林花各自妍披雲尋

舊址猶在作齊雲閣仲皎題西白山齊雲閣詩山

絳峯邊脇來怪底行人看碧築庵居西白山觀雪詩

落笑談容易作風雷雪者四圍銀世界一色玉峯

放月寒溪梅初一二着意為渠者又詩啼切孤猿

曉更哀柴門半掩白雲來山童問我歸何晚昨夜

梅花一半開又詩無地卓錫生計難且空雙手到

林間猥隨碧水占明月堅打白雲賒好山巖石空

邊依草舍藤蘿低處着松閑年來老去知何許合

向人間又為鹿苑山有葛仙翁祠祠下有二石

占斷閑又為鹿苑山有葛仙翁祠祠下有二石

甕蹲峙石崖壁立懸瀑十数丈下注石穴漚為龍

潭鹿苑寺西源出山巔二小穴石湧流至葛仙翁



餘丈下瀦為潭頃歲旱投符潭內水石有聲俄頃水盡墨電自潭發雨驟至如響又西為

五龍山又曰烏豬山重岡複嶺峯壑蟬聯老木虬

松青翁矢日水自真如山具來迢迢或奔或匯為

靈潭者五龍抱雲雨又西北為葛峴山西北二里高

僧竺法崇居焉孔淳之訪之信宿不去又西曰響

巖雲雨奮作巖輒有聲巖亦有神龍井縣西山有龍潭石

門山縣西山有龍潭下有沸水在溪穴間周二三尺如湯沸袞袞四時不休然水流潭潭不足

尚貴門山縣西有細嶺山有三懸潭山下有普濟龍祠給事李易有詩雲巖分佳茗風潭

蠹恠松書疑黃石授稅可紫芝供抵玉那驚鶴探

珠欲近龍晚來聽盡雨乞水濯塵容又虜騎侵淮

海龍潭路始通雲生依寶刹月出現珠宮瀉澗泉

噴薄依巖樹鬱葱神交難獨擅吾黨契元同又題

龍潭壁詩貴門今是鹿門山畫室扶藹萬壑間流

水相隨真自悟遙岑一望若為攀風翻竹塢清如

洗月過松扉靜不閑潭底卧其山崖嶂干雲麥薈

龍煩一起正須霖雨濟塵寰

森錯老蝙蝠如鷗亂飛絕西為仙巖山峭轟峰入天一峰尤卓立其餘諸山

皆削菱薈壁立萬仞佳木老樹陰翳森挺山有石

洞有仙人跡可受數人又有三泉迸出石穴不假

斤鑿渾然天其東北曰了山有餘糧嶺東北十

成有龍居之北十五里山康樂

糧又有禹祠其北有謝巖山有謝仙君祠

所遊也山隩深峭被以榛箭有巨澗奔激清湍崩石映帶左右入于溪下為三墜嶺下視深川紺碧一色又北曰舜皇山最崇轟岡嶺複深有舜井焉又北曰嵎山兩岸峻壁乘高臨水深林茂竹表

自婺之武義西南流經東陽復東流與北流之水
會于南門入于溪其一導鄞之奉化田沙溪西南
轉北至杜潭入于溪一自台之寧海歷三坑西繞
爲三十六渡與杜潭會出浦口入于溪合四流爲
一入于江舒元輿吊谿藤文謂剡溪上縣四五百
里則未考也會稽郡記曰會稽境特多名山水潭
壑鏡澈清流寫注惟剡溪有之王子敬云從山陰
道上行山川自相映發使人應接不暇若秋冬之
際尤難為懷子敬所云豈惟山陰特剡溪又過耳
元和郡國志曰溪出縣西南北流入上虞爲江是溪也朱放謂之剡江詩

曰月上沃洲山上人歸剡縣江邊李端謂之戴家
溪詩曰戴家溪北住雪後去相尋方干謂之戴灣
詩曰戴灣衝瀨片帆風高枕微吟剡中陸龜蒙謂之
剡汀詩曰歸鴻吳島盡殘雪剡汀銷林槩謂之嵒水詩
曰溪連嵒水興何盡路接仙源人自迷齊唐謂之
戴達灘詩曰春樹深藏嵒浦笛夜猿孤響戴達灘
自上虞江七十里至溪口輿地志曰上虞七十里至溪口張籍詩所謂春
雲剡谿曰殘月鏡湖西陸經詩落帆溪口為嵒浦
直向剡谿口入境先登天姥山是也
蒼崖壁立下東清流深者為淵潭淺者為灘磧有
山磬跣下臨清深是為長官祠一曰嵒浦廟祠下為嵒

潭水多巨魚漁人蘆子所藏集

自崙浦十里至褚樹五里至黃沙五

里至強口八里至了溪傍為故港八里至浦口四里至竹山五里至吳家莊十里至戴溪亭二十里至蛟井七里至桃源二十里至大明寺二十里至皇覺寺晉王子猷居山陰夜雪初霽四望浩然獨酌酒詠左思招隱詩忽憶戴逵逵時在剡便乘小舟詣之造門不前而返曰日本乘興而行興盡而返何必見安道耶李太白詩曰試問剡溪道東南皆越鄉舟從廣陵去水入會稽長杜甫詩剡溪蘊秀吳天姥引歸帆剡長卿詩曰鳥道通閩嶺山光落剡溪朱放詩曰月在沃洲山上人行剡縣溪邊李端剡溪日興來空憶戴不似剡溪時戴叔倫詩曰心知剡溪故聊且寄前期又曰那能有餘興不作剡溪尋戎昱詩曰心繫征帆上隨君到剡溪得雨易溪買島詩曰何當掃松葉拂石剡溪陰

漲涉晴易涸而為淵潭者輒聚沙成磧為丘衍者

又復為大淵渟不止高岸可谷深谷可陵亦幾於逢

萊清淺幾見桑田矣其曰了溪者推禹功也

東北十五里源

出了山舊經曰禹鑿了溪人方宅土王銓僧湛然

了溪詩序曰水逆行謂之涂水今浙北之潮逆行

之水也禹因三江入海順水性自又有東渡西渡

然處以告成功故剡溪謂之了溪

南渡水經曰江水翼縣轉注故有東渡西渡焉南

二十五船為橋航王性之有雪後渡西溪詩雪後

孤村一段煙晴光遠照玉山川酒旗隔步招閑客

獨上西溪其以水利著者曰黃塘北三漢塘北二

渡口船

新塘西三廣利塘西三十里有小池在黃沙與

水灌溉或竭而小池水為之減塘其以湖稱曰愛

水採魚或潭則小池水為之潭

湖南三曰東湖西湖西三東湖瀰漫兩傍蔭以長

松殊有爽氣

類錄卷二



國家圖書館, NATIONAL CENTRAL LIBRARY, TAIWAN, R.O.C.

剡錄卷三

先賢傳

謝承作會稽先賢傳鍾離岫作會稽後賢傳今倣此作傳唐修晉史凡晉人士奇辭

逸語往往刊落知者惜之今取詩晉雜史庶於晉人風度有所載焉

人士

戴逵字安道譙國人居剡祖碩父綏並有名位逵有

清操性高潔不樂當世以琴書自娛善圖畫巧冊

青為文綺藻常以禮度自處深以放達為非年十

餘歲在瓦官寺畫王長史見之曰此童非徒能畫

亦當終致名恨吾老不見其盛時耳孝武時以散

騎侍郎國子博士累召辭父疾不就郡縣敦逼不



NATIONAL CENTRAL LIBRARY, TAIWAN, R.O.C.

已乃逃于吳會稽內史謝幼度慮其遠遁不反上
疏請絕其召命帝許之逵還剡召之復不至吳國
內史王珣有館在虎丘山乃潛往珣山中謝玄王
珣並表達焉謝太傅本輕逵見但與論琴書逵既
無吝色而談琴書愈妙謝悠然知其量晉安帝紀
曰逵有清
操性甚快暢泰於娛生好鼓琴善屬文尤樂遊燕
多與高門風流者遊談許其通德屢辭徵命遂著
高尚逵既厲操東山而其兄逵欲建武遏之功戴
氏
譜曰逵字安立譙國人祖頌父綏有名位
逵以武勇顯有功封廣陵侯仕至大司農謝曰卿
兄弟志業何其太殊逵曰下官不堪其憂家弟不
改其樂

謝敷字慶緒會稽人澄清寡欲入太平山十餘年以
母老還南山若耶中內史却愔表之徵博士不就
嘗於剡中造風林寺敷崇信釋氏以長齋為業初
月犯少微少微一名處士星占者以隱士當之戴
安道有美才時人惜之俄而敷死會稽士人嘲曰
吳中高士求死不得死

却超字景興高平人司空愔之子也少卓犖不羈有
曠世度累遷中書郎司徒左長史超每聞欲高尚
隱退者輒為辦百萬資并為造立居宇在剡為戴
公起宅甚精整戴始往舊居與所親書曰近至剡

如官舍

謝弈作剡令

中興書曰謝弈字無弈陳郡夏人祖衡太子少傅父裒吏部尚書弈少有器鑿

辟太尉掾剡令有一老翁犯法謝以醇酒罰之乃

至過醉而猶未已太傅時年七八歲着青布袴在

兄鄰邊坐諫曰阿兄老翁可念何可作此弈於是

改容曰阿奴欲放去耶遂遣去

李弘度常歎不被遇

中興書曰李充字弘度江夏鄞人也祖康父矩皆有美名充初

辟丞相掾記室參軍以貧求剡縣遷大著作中書郎殷揚州知其家貧問君

能屈志百里否李荅曰北門之艱久已上聞窮猿

奔林豈暇擇木遂授剡縣

戴敦字長雲安道子也為散騎常侍與顥並高蹈俗

外三葉肥遁世稱清風家盈素氣故使箕穎重輝

夷皓疊跡為海內所稱焉前後辟命不就出吳地記

戴顥字仲若安道子也剡多名山故世居剡下與兄

並受琴於父父沒所傳之聲不忍復奏各造新弄

兄制五部顥制十五部顥又制長弄一部並傳於

世桐廬縣又多名山復共遊之因留居止况卒顥

以桐廬僻遠難養疾出居吳下吳下士人共為築

室聚石引水植林開澗乃述莊周大旨逍遙論釋

禮記中庸篇元嘉中召不就止京口黃鵠山北竹

林精舍宋文帝每欲見之常謂黃門侍郎張敷曰
吾東巡之日當宴戴公山下也卒年六十四出沈約宋書

阮裕字思曠陳留尉氏人祖輅齊國內史父顛汝南

太守少有德行出中興書淹通有理識居會稽剡縣志

尚肥遁出別傳在東山蕭然無事常內足於懷出世

說除東陽太守徵侍中皆不就有以問王逸少逸

少曰此公不驚寵辱雖古之沉冥何以過此劉真

長曰我入東正當泊安石渚下耳不敢復近思曠

傍在東山終日靜默無所脩綜而物自宗焉卒葬

剡山出晉書

阮瞻字彥倫裕長子仕至州主簿出阮氏譜

阮萬齡裕之孫少知名家在剡縣頗有素情宋永初

末自侍中解職東歸

王羲之字逸少司徒導從子也家世貧約恬暢樂道

未嘗以風塵經懷出王導別傳祖正尚書郎父曠淮南

太守元帝之過江也曠創其議羲之有美譽風骨

清舉出晉安帝記高爽有風氣不類常流出宋文帝朝

廷公卿皆竒其才器為右軍將軍會稽內史初渡

浙江便有終焉之志時孫興公與支道林共載往

逸少因論莊子逍遙遊作數千言才藻新奇逸少

披襟留連不能已

出世說

慕會稽佳山水名遂居焉

剡金庭觀稱右軍故宅有書樓墨池

徽之字子猷羲之子性卓犖不羈

出晉中典書

為大司馬

相溫參軍溫曰卿在府久此當相斷理初不荅以

手板柱頰云西山朝來致有爽氣

出世說

嘗居山陰

夜雪初霽月色清朗四望浩然獨酌酒詠左思招

隱忽憶戴逵逵時在剡便夜乘小舟訪之經宿方

至造門不前而反人問其故徽之曰本乘興而行

興盡而返何必見安道耶子敬與子猷書道兄伯

蕭索寡會遇酒則酣暢忘反乃自可矜

謝玄字幼度與從兄朗俱為叔父安所器量轉征西

將軍苻堅入寇朝廷求文武良將安以玄應舉郗

超嘆曰玄不負所舉吾嘗見其使才雖履閭亦得

其任於是徵拜建武將軍監江北諸軍事大破苻

堅遂經略舊都加都督七州會翟遼張願叛玄上

䟽送節盡求解所職又以疾辭授散騎常侍會稽

內史玄輿疾之郡居嶧山東北太康湖江曲起樓

樓側桐梓森樅又號桐亭

出鄞道元注水經

卒葬始寧有

文集十卷三子曜弘微皆歷顯位

王洽字敬和導諸子中最知名與荀羨俱有美稱歷

散騎中書郎又加中書令穆帝詔書稱其清裁嘗

遊剡出白居易

劉恢字道生沛國人識局明濟有文武才王濛每稱

其思理淹通蕃屏高選為車騎司馬年三十六卒

贈前將軍出宋明帝文字志嘗入剡出沃洲記

許詢字玄度高陽人有才藻善屬文出續晉陽秋與孫興

公皆一時名流出世說俱有負俗之談卒不降志出

章能清言于時人士皆欽慕仰愛之出晉中興書劉尹

云清風朗月輒思玄度出世說父收晉元帝渡江遷

會稽內史因居焉許氏譜曰玄度母華軼女詢隱不仕召為朝

議郎不就築室永興縣西山蕭然自致乃號其岫

曰蕭然山楊巨源詩許詢本爰交禪侶陳寔由來

是好兒耿緯詩許詢清論重寂冥住山

陰野客接寒寺閑門當古林海田秋熟早

莫知所止或以為昇仙出晉中興書入剡山

殷融陳郡人歷太常吏部尚書仲堪其子也有才操

仲堪子曠之為剡令有父風時融病虛悸聞床下

蟻鬪為是牛鬪曾遊剡出沃洲記與兄統為文選

孫綽字興公家會稽博涉經史出文志與兄統為文選

言簡章清綺絕倫出續文章志綽游放山水十有餘年

作遂初賦以致其意游剡中出沃洲記

王濛字仲祖太原晉陽人濛神氣清韶放邁不群檢尚雅正外絕榮競辟司徒掾中書郎出王長史別傳嘗游剡焉

何充字次道廬江人思韻淹通有文章才情累遷會

稽內史侍中楊州刺史出晉陽秋嘗入剡出沃洲記

王坦之字文度述之子與郗超俱有重名歷散騎常

侍大司馬嘗游剡出沃洲記臨死與謝安栢冲書不及

私唯憂國家事

謝朗字長度安次兄據之長子文義艷發名亞於玄

仕至東陽太守出晉陽秋嘗至剡中出沃洲記謝太傅寒雪

內集俄而雪驟公欣然曰白雪紛紛何所似兄子

胡兒曰胡兒朗小字也撒鹽空中差可擬兄女曰未若柳

絮因風起公大笑樂兄即大兄無弈女左將軍

王凝之妻也婦人集曰道蘊有文才所著詩賦誄頌傳於世

袁宏字彥伯陳郡人謝安賞宏機捷辯速自吏部郎

出為東陽郡祖於治亭時賢皆集安欲卒迫試之

執手將別顧左右取一扇而贈之宏應聲答曰輒

當奉揚仁風慰彼黎庶合坐歎其要捷出晉陽秋嘗入

剡出沃洲記彪有逸才文章絕麗曾為詠史詩是其風

情所寄彪宏小字出續晉陽秋

王脩字敬仁太原晉陽人父仲祖也脩明秀有美稱
為著作佐郎琅琊王文學轉中軍司馬未拜而卒
時年二十四王弼之沒與脩同年脩弟熙歎曰無
愧於古人而年與之齊也曾入剡出沃洲記

謝萬字萬石太傅安弟也才氣高俊蚤知名歷吏部
中郎將豫州刺史散騎常侍出中書嘗入剡出沃洲記萬

善屬文能談論為八賢論謂漁父屈原季主賈誼
楚老龔勝孫登嵇康也出中書

蔡系字子叔濟陽人司徒謨第二子有文理仕至撫
軍長史出晉中書嘗曰韓康伯雖無骨幹亦自膚立

嘗入剡出沃洲記

孔淳之字彥深魯人少有高尚居剡性好山水每有

所游必窮幽峻或旬日忘歸嘗遇桑門披衿領契

自以為得意之交出王智深宋記與戴顓王弘之敬弘等

共為人外之游會稽太守謝方明苦要之不能致

使謂曰苟不入吾郡何為入吾郭淳之笑曰潛游

者不識其水巢栖者不辨其林飛沉所往何問其

主終不肯往茅室蓬戶庭草蕪徑唯床上有數帙

書出沈約宋書元嘉初徵為散騎侍郎乃逃于上虞界

中家人莫知所在

謝靈運陳郡陽夏人移籍會稽幼聰慧善屬文舉筆
立成文章之盛獨絕當時出文選人名錄襲封康樂遷祕
書丞出爲臨海太守及經山陰防禦出元嘉起居注郡有
名山水靈運素所愛好遂肆意游遨父祖並葬始
寧有宅墅脩營舊業傍山帶江盡幽居之美嘗入
剡有詩曰旦發清溪陰暝投剡中宿

孔稚珪字德璋山陰人早立名譽風韻清踈好文詠
當時名士陸慧曉謝淪張融何點沈淵相與爲君
子之交盛營山水不樂世務徵侍中不行又拜詹
事嘗入剡從褚伯玉授道伯玉死稚珪爲於太平

館立碑

張嶷稷之子稷初爲剡令至嶷亭生子因名嶷字四
山嶷雅有志操能清言起家祕書郎累遷湘東王
長史王暕日玄言曰爲之筮得節卦謂嶷曰卿後
當東入爲郡恐不得終嶷曰貴得其所耳還爲太
府卿吳興太守侯景圍建鄴率兵赴援授嶷征東
將軍嶷曰天子蒙塵何情復受榮號賊行臺劉柳
茂攻破義興遣使說嶷嶷斬其使遣軍破神茂侯
景遣其中軍侯子鑒助神茂擊嶷嶷軍敗死節元
帝追贈侍中開府儀同三司謚忠貞

朱士明剡人齊舉茂才梁天監初授儒林博士除吏部尚書封漢昌侯

賀知章字季真越永興人性曠夷姑子陸象先曰季真清譚風流一日不見則鄙吝生矣肅宗為太子遷賓客拜祕書監知章晚節誕放號四明狂客祕書外監天寶初病夢游帝居請為道士還鄉以宅為千秋觀帝賦詩乞鏡湖剡川一曲賜之

秦系字公緒越州會稽人有詩名天寶間避地剡川作麗句亭郡守改其名曰秦君里出秦隱君詩序北都留守薛兼訓奏為右衛率府倉曹參軍不就建中初

結廬於泉南九日山穴石為研注老子系詩曰終常避世喧

自注五刺史薛播數往見之張建封聞不可致請千言就加校書郎系寄建封詩曰久是煙霞客潭深姜

公輔以言忤德宗為州別駕築室鄰系而居焉貞元七年東度秣陵年八十餘泉南人思之號其山為高士峯有詩一卷

李紳字公垂中書令李敬玄孫少孤游剡止龍宮寺老僧脩真曰後當領鎮此道幸願建飾吾寺出紳所作

龍宮碑踰二紀紳自宣武節度歷左散騎越州刺史仍一新舊游之地賦詩以紀其事又刻碑

齊抗字遐舉定州義豐人拜中書門下平章事昔遊
越鄉闕翫山水者垂三十載初棲於剡嶺後遷於
玉笥自解薛此山未二紀而登台鉉出陳諫登石
傘峯詩序似
孫喜歲齊相
拜平章時誥

孝行

齊公孫僧達剡人也治父喪至孝事母及伯父謹節
名聞郡縣建元三年表列僧達等二十三人詔表

閻蠲賦

齊韓靈敏剡人早孤與兄靈珍並有孝性母亡無以
營奉共種瓜半畝朝採瓜子暮已復生遂辦葬焉

會靈珍亡無子有妻守節靈敏事之如母

剡縣小兒年八歲與母俱病赤班母死家人不令兒
知兒疑問之曰母嘗數問我病今不復問何也固
自投床扶匐至母屍側頓絕而死

陳王知玄居剡丁父喪哀毀卒高宗改孝家里

鄭僧保剡人居父母喪廬墓側十載芝草生于墓甘

露降松栢

列女

公孫夫人姓公孫氏會稽剡人資三靈之淳懿誕華
宗之澄粹竒朗照於齷齪四教成於弱笄慈恩溫

恭行有秋霜之潔祗心制節性同青春之和敦悅
憲章動遵規禮居室則道齊師氏有行則德配女
儀禮服有盈籩豆無闕贊曰猗歟夫人天姿特挺
行高冰潔操與霜整性揚蘭芳德振玉韻猗彼瓊
林竒翰有集展彼碩媛含德來緝動與禮遊靜以
義立出晉潘鈕母孫氏所作序贊

仙道

劉晨阮肇剡縣人漢明帝永平十五年采藥於天台
山望山頭有一桃樹取食之又流水中有胡麻飯
屑二人相謂曰去人不遠因過水深四尺許行一

里又度一山出大溪見二女顏容絕妙便喚劉阮
姓名問郎來何晚也館服精華東西帷幔寶絡左
右盡青衣下胡麻飯山羊脯設甘酒歌調作樂日
暮止宿住半年天氣和適當如二三月鳥鳴悲慘
求歸甚切女喚諸仙女歌吹送還鄉鄉中恠異驗
得七代子孫傳聞祖翁入山不知何在太康八年
失二公所在剡有桃源在縣三里舊經曰劉阮入
天台遇仙此其居也林槩叢中詩繡
被歌殘人竟遠桃
花源靜客志歸

葛洪字稚川仙翁從孫好神仙導養仙翁以丹授弟
子鄭君稚川就鄭君得之咸和初選散騎常侍辭

以交趾出丹砂求為勾漏令鍊丹羅浮山卒年八十一顏如玉體柔軟舉尸入棺但遺空衣上虞蘭

芑山稚川所棲也

出輿地志盧綸詩城闕望煙霞常悲仙路賒寧知樵子徑得到

葛洪家曹唐詩最愛葛洪尋藥處露花玉藥滿山春荆有仙翁丹井石梯釣

魚臺稚川亦至焉

褚伯玉字元瑒錢塘人少有隱操年十八父為之婚婦入前門伯玉出自後門往居剡瀑布山隔絕人物王僧達為吳郡寧朔將軍丘彌孫與僧達書曰褚先生滅影雲棲抗高木食非折節好士何以致之

出蕭子顯齊書

以禮招致伯玉不得已停郡信宿纔交

數言而退宋孝建二年召聘不就齊高帝即位手詔吳會二郡以禮迎遣辭疾而歸敕於剡白石山立太平館舍之孔稚珪從其授道為於館立碑南史卒年八十六常居一樓仍葬樓所

趙廣信陽城人魏末入剡小白山受李成服炁法又受師左君守玄中之道內見五藏徹視法七八十年賣藥人間作九華丹或曰白日登天山中有趙廣信丹井

孫韜字文藏會稽剡人入山師潘四明叅受真法陶隱居手為題握中秘訣門人罕能見唯傳韜與栢

閻二人 出真語

顧歡字景怡隱剡山好服食弟子鮑靈緩門前樹六十圍精恠數見歡印樹即枯山陰白石村多邪病為講老子皆愈又有病邪者歡問其家有孝經否歡令取仲尼居一章置枕邊而愈齊高帝輔政徵揚州主簿踐祚乃至稱山谷臣進政綱一卷優詔稱美東歸賜塵尾素琴 上虞江岸有顧墅俗傳顧歡開學之所

吳筠字貞節華陰人通經誼美文辭舉進士不中去居南陽山天寶初召至京師南遊天台觀滄海與有名士相娛樂文辭傳京師明皇遣使召見大洞殿與語甚悅勅待詔翰林獻玄綱三篇帝嘗問道對曰深於道者無如老子五千言復問神仙治鍊法對曰此野人事積歲月求之非人主宜留意未幾漁陽事作乃復東入會稽剡中

高僧

白道猷羅漢僧來自西天竺居沃洲山 白居易沃洲山記曰道猷肇開竺道壹在若耶山道猷以詩寄之 連奉數十 茲山 平津茅茨隱不見雞鳴知有人閑步踐其往處處見遺薪始知百世下猶有上皇民開此無事跡以待踈俗賓長嘯自林際歸此保天真壹得詩欣然往訪之上虞有白道猷嶺嘗結庵于此江公亮詩好是道人巖畔月天台山水清險前有石橋遲不夜深清照飲猿溪

盈尺長數十丈下臨絕冥忘其身然後能濟師梯
巖壁捫蘿葛前山蔚然綺秀雙嶺入天有瓊臺玉
閣道猷過此獲紫芝靈藥出啓蒙記注

竺潛字法深隱剡山學義淵博名聲蚤著弘道法師

也出度法暢晉哀帝兩使禮致之既至簡文允師

敬劉惔嘲之曰道人亦游朱門乎潛曰君自見朱

門貧道以為蓬戶耳還山支遁求買沃洲小嶺潛

公曰欲來當給不聞巢由買山隱也遁得深公之

言慙恧而已世說作因人就深公買岬山舊經曰

暑錄曰高僧傳略載孫綽道賢論以當時七僧此

七賢竺法護比山巨源帛法祖比嵇叔夜竺法乘

比王濬冲竺法深比劉伯倫支道林比向子期于

法蘭比阮嗣宗于道遠比阮仲容各以名迹相類

者為配惜不見金文世說晉人本趨逸更能以佛

理佐之宜其高勝不凡但恨是時未有經文傳者

亦未廣猶以老莊為宗竺法深賢於王氏諸人遠

矣即支遁求買沃洲報曰未聞巢由買山而隱者

遁猶輸此一着想見其人物也皇甫冉詩高人本

姓竺開士舊名林一入雪山裏千年不可尋秦系

詩松間儻許幽人住更不將錢買沃洲栖白詩荒

支遁字道林高逸沙門傳曰遁姓閩氏神心警悟清

識玄理任心獨徃風期高亮沉思道行冷然獨暢

出支遁又幼有神理聰明透澈出支遁傳王濛重之曰

別傳

用道林錢河內林慮人或曰陳留人

造微之功不減嗣輔義之在會稽與交往靈嘉寺

入沃洲小嶺建精舍盧象詩玄度常稱支道林高

不見千峯萬聲樹森森至山陰講維摩許詢為都講賓主之

辯相尋無窮世說曰諸人士在焉許椽使往西寺與

王論理共决優劣又在白馬寺中將馮太常共語逍遙支

卓然標致理於二家之表馮氏譜曰馮懷長樂人

詩何時更問道遙義五粒松陰歷太常護軍將陸龜蒙

拂石床注曰道林有道遙義有遺馬者受之曰

吾愛其神駿山有放馬坡在有餉鶴者曰凌霄之

姿何肯與人作耳目近玩養翻成使飛去世說曰

鶴住岬山山每名辰至餘姚鳩曰昔來就見安石

輒移旬日今觸情是愁耳歿葬陽中舊經曰陽在

十二里僧史曰遁經餘姚烏信宿彌日不去或問

其意曰者安石相從未嘗不移旬今觸目是愁耳

乃移鳩中永和元年閏四月四日沒葬鳩中世說

曰墓在石城戴安道過其墓嘆曰德音未遠而拱

木已積蓋神理綿綿不與有文集八卷集中有即

氣運俱盡耳出建康實錄色諭高妙

乾興淵支道開威蘊室寶光識斐藏濟度逞印自威

一字為一僧與白道猷竺法潛支道林乾淵

支道開凡十八僧皆居沃洲山出沃洲山記

支曇蘭晉太元中遊剡縣後憩赤城高僧

竺曇猷燉煌人少苦行習結禪定遊江左止剡之石

城山有神現形詣猷曰師威德既重來止此山弟

子輒推室相奉天台山懸崖峻峙峯嶺侵天土有

釋舍得道者居之有石橋跨澗而橫石斷之自終古以來無得至者猷行至橋所聞空中聲曰知君誠篤今來相度後十日當得住此矣

竺法崇有律學精法華經居剡葛岷山茅茨澗飲孔淳之訪之信宿不去神思傾豁

曇斐會稽剡人弃家事慧基善莊老儒墨之書攷究經典疑義還居法華臺寺衡陽孝王元簡廬江何

太祖廟諱師事之張融周顒從其遊

僧護會稽剡人住石城山隱岳寺寺北有青壁千餘尺護每至其下輒聞管弦聲或發光恠即發誓就

壁鐫十丈佛像齊建武中用工經年纔成面像俄卧疾臨終誓曰再生當就吾志

僧祐剡人作石像祐授其準式先是建安王聞僧護所造石像上奏詔祐董其事天監十五年成舊說祐護前身也

靈澈字澄源會稽湯氏子風儀甚雅談笑多味雖受經論心好篇章出劉禹錫詩序語甚平易如不出常境而諸生思慮終不可至出權德輿送行序從嚴維學詩抵吳

興與皎然游後自廬山入剡歸沃洲

刻錄卷三



國家圖書館, NATIONAL CENTRAL LIBRARY, TAIWAN, R.O.C.

剡錄卷四

古竒跡

舜井

井二在舜皇山井中有蛇生角今爲沙土所翳朱
慶餘舜井詩碧甃磷磷不記年青蘿鏤在小山巔
向來不視千尋水疑是蒼梧萬里天

禹嶺

禹餘糧嶺在了山山下爲了溪王銍序言禹治水
止於此山中產藥稱禹餘糧蓋餘食所化近有甌
山謂嘗炊於此張華博物志曰禹治水棄餘食於

江為禹餘糧李羣玉詩澗有堯時韭山餘禹伏糧
亞父石跡

亞父山在禮義鄉昔山中老農遇神人曰吾亞父
也當宅茲山明日見崖石中有足跡甚大亞父事出神異經

阮公故居

縣之南有阮公廟即故居也王梅谿詩再入山中
去煙霞鎖翠微故鄉遺宅在何日更來歸

楊黃門埭亭

水經曰吳黃門郎黃哀明居崧縣弘訓里開瀆作
埭埭之西作亭

戴安道宅

戴公宅在剡桃源鄉宋景文公詩舟來戴公宅客
過孝王家鄉有戴村村多戴姓者却超每聞欲高
尚隱退者輒為辦百萬資并為造立屋宇在剡為

達起宅甚精整戴始往與所親書曰近至剡如官

舍王徽之居山陰夜雪初霽月色清朗四望皓然

夜乘小船詣之經宿方至造門不前而反人問其

故徽之曰本乘契而行興盡而反何見安道耶

李白雪詩興從剡溪起陸龜蒙詩訪戴客愁隨水

垂太公釣興發子猷船陸龜蒙詩訪戴客愁隨水

遠浣沙人泣共溪深項斯寄剡中友詩山晚迥尋
蕭寺宿雪寒誰與戴家期李端詩戴家溪北住雪
後去相桑駱賓王雪詩高人僅有訪興盡詎須回
方干雪詩此時行徑無人跡唯望微之問寂寥羅

隱詩笑殺山陰雪中客等閑乘興又空迴卽士元
詩或在醉中逢雪夜懷督應向剡川遊姚勗詩往
時徵之訪安道剡溪扁舟夜獨乘楊蟠
詩長愛剡溪堪發興雪中曾棹子猷船

戴公山

山在忠節鄉今屬金庭觀可五百畝山中多茂林
叢竹又有清流激湍林崖蒼石互相映帶山之巔
有龍湫

阮光祿東山

阮裕別傳曰裕居會稽剡山志存肥遁世說曰阮
光祿在東山蕭然無事常內足于懷

王右軍書樓墨池

金庭觀有書樓墨池裴通爲之記裴通詩寂寂金
庭洞清香發桂枝魚吞左慈釣鵝踏右軍池楊蟠
有墨池懷古詩空山寂寞人何在一水泓澄墨尚新

謝車騎桐亭

鄞道元水經曰崱山東北太康湖晉車騎將軍謝
玄舊居所在右濱長江左傍連山陵平脩通澄湖
遠鏡於江曲起樓樓側是桐梓森聳可愛民居
號爲桐亭樓樓兩面臨江盡升眺之處蘆人漁子
汎濫滿焉湖中築路東出趨山路甚平直山有三
精舍高甍凌虛垂簷帶空俯眺平湖杳然在下江

有琵琶圻臨江有石床名釣魚臺

張籍詩具言孤帆去東南別會

稽春雲刻溪口殘月鏡湖西水鶴沙邊立

山廳竹裏啼謝家曾住處煙洞入應迷

謝車騎坐石

石在寶積山石磊磊疊疊如稜如鑿水經白樹下

有十二方石地甚方潔

葛仙翁釣臺

皇覺寺有釣臺又有石梯絕為奇怪石上有釣車

痕甚分明

白道猷滌中澗

證道寺澗中有道猷滌巾舊迹水痕如白氎狀

趙公崑

謝巖之北通趙公崑趙公者晉懷帝時太常樂工

也永嘉二年石勒亂趙公二十四人隱於剡之山

崑王公嶠山賦曰崕徑森林北倚趙公之崑崕徑

在謝巖北

晉武肅王故跡

晉武肅王嘗到嶠山下於舟中看其差我嘆其異

境駐舟賦詩

嶠娘宅梁詔亭

蕭衍經嶠山於嶠家娘子為婚後別嶠娘入齊南

面發詔徵之。山上有宣詔亭。王公嶠山賦曰：梁王別室歸建業，以登天。又曰：皇書亭畔，又看縻滯之蹤。謝康樂石床。

嶠山下有石床，康樂嘗垂釣于此。出蕉經石下，舊有古人姓名。

謝巖彈石

縣北十五里有謝巖，靈運游此，四顧放彈丸。落處爲祠，有大石如彈丸。王公嶠山賦曰：靈運彈飛巖嶂，慕此堪棲。

謝公宿處

李白詩：謝公宿處今尚在，綠水蕩漾青猿啼。康樂有鄉遊，謝有鄉，謝公所歷也。李嘉祐詩：綠塘剡溪路，映竹五湖村。王謝登臨處，依依今尚存。陳克詩：雨裏落帆遊謝鄉，寒聲古木共荒涼。又有謝巖，亦公所至。

王謝飲水

世傳王謝諸人雪後汎舟至此，徘徊不能去。白雖寒，強飲一口。在縣北二十里。

趙廣信井洞

西太白山山有廣信丹井，又有洞石沓起如屋，可

容數人

褚伯玉隱居

西太白山山有瀑泉宋書曰伯玉隱身求志居剡縣瀑布山伯玉常居一樓卒葬樓所

褚伯玉太平館

齊高帝即位詔吳會二郡以禮迎遣辭疾而歸詔於剡白石山立太平館舍之出南史史曰白石山即太白山耶

春處士麗句亭

系天寶間避地剡川作麗句亭郡守改其居曰秦君里大曆五年鄴守薛公僕射奏為右衛率府倉

曹參軍系作詩辭之自謂系家干剡山向盈一紀

其詩曰由來那敢議輕肥散髮行詩自採薇通客未能忘野興辟書翻遺脫荷衣家中匹婦空相笑池上群鷗盡欲飛更乞大賢容小隱益看愚谷有光輝又有山中寄張正則評事詩終年常避喧師事五千言流水閑過院春風與閉門山容邀上客桂實落華軒莫強教余起微官不足論又有耶溪舊居有將移耶溪正系辭辟之時也

舊居留贈嚴維祕書詩雞犬魚舟裏長謔任興行同邀落日醉已被遠山迎

書疑將非重荷衣着甚輕又有會稽山居寄薛播謝生無箇事忽起為倉生

侍郎袁高給事高參舍人詩稷高今為相明君復是堯寧知買臣困猶

負會稽樵當在又有謝徐侍郎同諸詩客訪會稽耶溪舊居作也

山居詩忽道仙翁至幽人學拜迎華簪窺甕牖珍味代藜羹洗硯魚仍戲移罇鳥不驚華亭

攀叙却會温庭筠宿秦生山齋詩幽居路不同結室在東峯歲晚
此越中營得支道夜寒逢戴顓龕燈落葉寺山雪戴叔倫酬
隔林鍾行解行無由發曹溪欲施春秦徵君徐少府春日見寄終日愧無致與君聊散襟城根山半腹亭影水
中心朗詠竹窻靜野情花運深那能有餘興不作剡溪尋

王翁信舊居

皇甫冉送王翁信還剡中舊居詩

海岸耕殘雪溪沙釣夕陽家中

何所有春草漸看長

王公別業

王公當是前詩王翁信也

皇甫冉送王公還剡中別業詩

不見関山去何時到剡中已聞成樹

木更道長兒童籬落雲常聚村墟水自通朝朝呼野渡非晚對秋風

袁稠家林

李端寄稠詩

花洞滿沉沉仙壇隔杏林漱泉春谷冷擣藥夜窻深石上開仙酌松間對

玉琴戴家溪北住雪後去相尋

吳處士溪嶼

賈島憶吳處士詩

半夜長安雨燈花越客吟孤舟行一月萬水與千峯島嶼夏雲

起計洲芳草深何當折松葉拂石刻溪陰

獨孤處士山居

栖白寄獨孤處士詩

林下別多年相逢事眇然扁舟浙水上輕策剡山前坐石

吟杉月照雲憶島仙何期歸太白伴我雪中禪

唐氏溪閣

趙湘剡中唐郎中所居詩古柳垂溪水當門紫雪舟開門延白鶴掃樹帶
清秋閣上看華頂窓中見沃洲尋常投刺少來即是詩流

古阡

漢朱買臣墓

縣北六里有石羊買臣吳人墓在剡可疑然暨陽有買臣書堂及祠

阮裕墓

縣東九里

山桐公墓

縣東故港有高冢世傳謝氏祖墓

戴顓墓

縣北一里王僧虔吳郡記曰顓死葬剡山有後人所立石表梅聖俞寄剡縣主簿詩應識道旁碑因風奠醪醴王梅溪詩千年戴顓墓三字道旁碑紹興二年宰范仲將為作享堂于墓下堂今不存嘉泰三年四明樓鑰為書本傳立碑于道左嘉定八年令史安之重建墓亭以修時祀及於亭左右繪剡中先賢像

王右軍墓

去縣東孝嘉鄉五十里

刻錄卷四



國家圖書館, NATIONAL CENTRAL LIBRARY, TAIWAN, R.O.C.

剡錄卷五

書

二戴著書一本經學人但以
隱逸推之非知二戴者也

戴逵五經大義三卷

戴逵老子音一卷

戴逵纂要一卷

戴逵竹林七賢論

戴逵集十卷

戴逵別傳一卷

戴顓中庸傳一卷

戴顓月令章句十二卷

戴顓逍遙論

戴氏琴譜四卷

戴氏譜一卷

阮裕別傳一卷

阮氏譜二卷

王羲之集九卷

王羲之別傳一卷

王氏世家五卷



王氏家牒十五卷

王氏家譜二十卷

謝玄集十卷

謝氏家譜一卷

孫綽集十五卷

許詢集三卷

支遁集八卷

支遁傳一卷

支遁經論三卷

秦系注老子一卷

吳筠玄綱一卷

秦系詩一卷

靈澈詩十卷

鄭言平剡錄一卷

謝靈運集十五卷

謝靈運七集十卷

謝靈運賦九十二卷

謝靈運連珠集五卷

謝靈運集鈔十卷

謝靈運集詩五卷

謝靈運詩英九卷

謝靈運游山志一卷

謝靈運山居志一卷

顧歡政綱一卷

葛仙翁別傳一卷

葛仙翁神仙傳十卷

文

道支遁書

謝安

支遁還吳住支山寺晚欲入剡謝安為吳興與遁書曰思君日積計辰傾遲知欲還剡自治甚以悵然人生如寄耳頃風流得意之事殆為都盡終日感感觸事惆悵唯遲君來以晤言銷之一日當千載耳此多山水山縣閑靜差可養疾事不異剡而醫藥不同思

必此緣副其積想也高僧傳

申三復贊

戴逵

安道文章世豈復
可見今得六篇

嗜好深則天機淺名利集則純白離如此故識鑒逾
昏驕淫彌汰心與慎乖則理與險會然後役智以御
險履險以逃害故陰陽寇其內人力攻其外陰陽結
則金石為之消人事至則雖智不足賴若然者雖翠
幄華堂焉得而康之列鼎重味焉得而嘗之

閑遊贊序

戴逵

神人在上輔其天理知溟海之禽不以籠樊服養櫟
散之質不以斧斤致用故能樹之於廣漠栖之於江
湖載之以大猷覆之以玄風使夫淳朴之心靜一之
性咸得就山澤樂閑曠箕嶺之下始有閑遊之人焉
降及黃綺逮于臺尚莫不有以保其太和肆其天真
者也且夫巖嶺高則雲霞之氣鮮林藪深則蕭瑟之
音清其可以藻玄瑩素全其皓然者舍是焉故雖援
世之彥翼教之傑效舞雩以發詠聞秉桴而慄厲况
乎道乖方內體絕風塵理揖長謝歌鳳逡巡盪八疵
於玄流澄雲崖而頤神者哉然如山林之客非徒逃
人患避爭門諒所以翼順資和滌除機心容養淳淑

而自適者爾凡物莫不以適為得以足為至彼閑遊者奚往而不適奚待而不足故陰映巖流之際偃息琴書之側寄心松竹取樂魚鳥則澹泊之願於是畢矣然竒趣難均玄契罕遇終古皆孤棲於一巖獨玩於一流苟有情而未忘有感而無對則輟斤寢絃之嘆固以幽結於林中驟感於遐心為日久矣我故遂求方外之美略舉養和之具為雜贊八首暢其所託始欣閑遊之遐逸終感嘉契之難會以廣一往之詠以抒幽人之心云爾

贊

茫茫草昧綿邈玄世三極未鼓天人無際萬器既判靈朴乃翳寔有神幸忘懷司契冥外傍通潛感莫滯揔順巢曷兼應夷惠緬矣遐心超哉絕步顧揖百王仰怡泰素矜其天真外具翬務詳觀羣品馳神萬慮誰能高映悠然一悟

尚長贊

戴逵

尚叟沖順庸行昏世和龍婉約玄識罔滯瞻彼崇高俄為塵翳亦有同好潛莊宿契超超增翥眇眇偕逝跡絕青崖影滅雲際

酒贊

戴逵

醇醪之興與理不乖古人既陶至樂乃開有客乘之
隗若山頽

山贊

戴逵

蔚矣名山亭亭洪秀並基二儀堯焦雲構嵯峨積岵
寥籠虛岫輕霞仰拂神泉旁漱曰仁奚樂希靜此壽

松竹贊

戴逵

猗歟松竹獨蔚山臯肅肅脩竿森森長條

褚先生伯玉碑

孔德璋

先生築館金庭觀蕭子顯齊書曰伯玉隱剡之瀑布山

河洛搗寶神道之功可傳萬華吐秘仙靈之跡可覩

蓋事詳於玉牒理煥於金符雖冥默難源顯晦異軌
測心觀古可得而言焉是以子晉笙歌馭鳳於天海
王喬雲舉控鶴於玄都亦有羽蛻蟬觸影遁形銷神
翥帝宮迹留劔杖遊瑤池而不返宴玄圃以忘歸求
嘉惡道者窮天地之險也歌竇過日折石橫波飛浪
突雲奔湍急箭先生攀途躋阻宿柀涉折而衝飈夜
鼓山洪暴激忽乃崩舟墜壑一裂十仞飄地淪蒿翻
透無底徒侶判其冰碎舟子悲其電散危魂中夜赴
阻相尋方見先生恬然安席銘曰
關西升妙洛右飛英鳳吹金闕蕭歌玉京絕封萬古

乃既先生先生浩浩唯神其道泉石依情煙霞入抱
秘影窮岫孤栖幽草心圖上玄志通大造

金庭館碑

沈約

生靈爲貴有識斯同道天云及疑有終天莫反故仙
字誤學之秘上聖攸尊啓玉笈之幽文貽金壇之妙訣駐
景濛谷還光上枝吐吸煙霞變鍊丹液出沒無方升
降自己下栖洞室上賓群帝覩靈岳之驟啓見滄波
之屢竭望玄州而駿驅指蓬山而永鶩芝蓋三重駕
螭龍之蜿蜒雲車萬乘載旗旆之逶迤此蓋栖靈五
岳未暨夫三清者也若夫上玄奧遠言象斯絕金簡

玉字之書玄霜絳雪之寶俗士所不能窺學徒不敢
輕慕且禁誓嚴重志業艱劬自非天稟上才未易可
擬自惟凡劣識鑿鮮方徒抱出俗之願而無致遠之
力早尚幽栖屏棄情累留愛巖壑記分魚鳥塗逾遠
而靡倦年既老而不衰高宗明皇帝以上聖之德結
宗玄之念忘其菲薄曲賜提引末自夏洎固乞還山
權憇汝南縣境固非息心之地聖主纘歷復蒙繫維
承泰元年方遂初願遂遠出天台定居茲嶺所憇之
山實惟桐栢實靈聖之下都五縣之餘地仰出星河
上參倒景高崖萬杏邃澗千迴因高建壇憑巖考室

飭降神之宇置朝禮之地桐栢所在厥號金庭事曷
靈圖因以名館聖上曲降幽情留信彌密置道士十
人用祈嘉祉越以不才首膺斯任永棄人郡竄景窮
麓結懇志於玄都望霄客於雲路仰宣國靈介茲景
福延吉祥於清廟納萬壽於神躬又願道無不懷澤
無不至幽荒屈膝戎貊稽顙息鼓輟烽守在海外因
此自勉兼遂微誠日夕勤劬自強不已翹心屬念晚
卧晨興殮正陽於停午念孔神於中夜將三芝而延
佇飛九丹而晏息乘鳧輕舉留舄忘歸以茲丹款表
之玄極無曰在上日鑒非遠銘石靈館以旌厥心其

辭曰

道無不在若存若亡於惟上學理妙群方用之日損
言則非常儵焉靈化羽變蜺裳九重堯光三山璀璨
日為車馬芝成宮觀虹旌拂月龍輶漸漢萬春方華
千齡始旦伊余菲薄竊慕隱淪尋師請道結友問津
東探震澤西遊漢賓依倚靈眷髣髴幽人帝明紹歷
惟皇纂位屬心鼎湖脫屣神器降命凡底仰祈靈秘
瞻彼高山興言覆墳啓基桐栢厥號金庭喬峯迥峭
擘漢分星臨雲置壇駕岳開樞澗塗蹇產林圻葱青
誰謂應遠神道微密慶集宮闈祥流罕畢其久如地

其恒如日壽同南山與天無卒更生變練外示無功
少君飛轉密與神通因資假力輕舉騰空庶憑嘉誘
永濟微躬

金庭觀晉右軍書樓墨池記 裴通

越中山水奇麗剡為最剡中山水奇麗金庭洞天為
最洞在縣東南循山趾右去凡七十里得小香爐峯
峯則洞天北門也谷抱山闔雲重煙巒迴互萬變清
和一氣花光照夜而常晝水色含空而無底此地何
事常聞異香有時值人從古不死真天下絕境也有
晉代六龍尖馭五馬渡江中朝衣冠盡寄南國是以

瑯琊王羲之領右軍將軍家于此山書樓墨池舊制
猶在至南齊永元三年道士褚伯玉仍思幽絕勤求
上玄啓高宗明皇帝於此山置金庭觀正當右軍之
家書樓在觀之西北維一間而四徘徊高可二丈墨
池在殿之東北維方而斜廣輪可五十尺池樓相去
東西姜值纔可五十餘步雖形狀卑小不足以壯其
瞻翫而恭儉有守斯可以示于將來况乎處所遐深
風景秀異契逍遙之至理閱鸞鶴之差參其金庭洞
天即道門所謂赤城丹霞第六洞天者也按上清經
洞天在天台桐栢山中辟方四十里北門在小香爐

峯頂人莫得見之樵夫往往見之者或志之以奇花
異草還報鄉里與鄉里同往則失其所志也過此峯
東南三十餘里石竇呀為洞門即洞天之便門也人
入之者必羸糧束燭結侶而往約行一百里二百里
多為流水淤泥所阻而返莫湊其極也通以元和二
年三月與二三道友累足而遊登書樓臨墨池但見
其山水之異也其險如崩其聳如騰其引如肱其多
如朋不四三層而謂天可昇經再而還以書樓闕壞
墨池荒毀話于邑宰王公王公瞿然徵王氏子孫之
在者理荒補闕使其不朽即事題茲實錄而已

沃洲山禪院記

白居易

沃洲山在剡縣南三十里禪院在沃洲山之陽天姥
岑之陰南對天台而華頂赤城列焉北對四明而金
庭石鼓介焉西北有支遁嶺而養馬坡放鶴峯次焉
東南有石橋溪溪出天台石橋因名焉其餘卑巖小
泉如子孫之從父祖者不可勝數東南山外越為首
剡為面沃洲天姥為眉目夫有非常之境然後有非
常之人棲焉晉宋以來因山洞開厥初有羅漢僧西
天竺人白道猷居焉次有高僧竺法潛支道林居焉
次又有乾興淵支道開威蘊室竇光識斐藏濟度暹

印凡十八僧居焉高士名人有戴逵王洽劉恢許玄
度殷融郝超孫綽栢彥表王敬之何次道王文度謝
長霞袁彥伯王蒙衛玠謝萬石蔡叔子王羲之凡十
八人或遊焉或止焉故道猷詩云連峯數千里脩林
帶平津茅茨隱不見鷄鳴知有人謝靈運詩云暝投
剡中宿明登天姥岑高高入雲霓還期安可尋蓋人
與山相得於一時也自齊至唐茲山寢荒靈境寂寥
罕有人遊故辭人朱放詩云月在沃洲山上人歸剡
縣江邊劉長卿詩云何人住沃洲此皆愛而不到者
也大和二年春有頭陀僧白寂然來遊茲山見道猷
支竺遺跡泉石盡在依然如歸故鄉戀不能去時浙
東廉使元相國聞之始爲卜築次廉使陸君中丞知
之助具繕宇三年而禪院成五年而佛事立正殿若
千間齋堂若干間僧舍若干間夏臘之僧歲不下八
九十安居遊觀之外日與寂然討論心要振起禪風
白黑之徒附而化者甚衆嗟乎支竺歿而佛聲寢靈
山廢而法不作後數百歲而寂然繼之豈非時有待
化有緣耶六年夏寂然遣僧常贄自剡抵洛持書與
圖詣從叔樂天乞爲禪院記道猷肇開茲山寂然嗣
興茲山樂天又垂文茲山異乎哉沃洲山與白氏其

世緣乎

龍宮寺碑

李紳

會稽地濱滄海西控長江大禹踈鑿了溪人方宅土
南巖海跡高下猶存司其水旱鳴為雲雨乃神龍之
鄉寺曰龍宮在剡靈芝鄉嵎亭里地形爽塏林嶺依
抱刹宇頽毀積有年所自初三徒始安此地像儀消
化鍾磬不揚堵波已傾法輪莫轉老釋脩真護念常
啓歲月屢遷物力無及貞元十八載余以進士客江
浙將適天台與脩真會于剡之陽師言老禪有念今
茲果矣後當領鎮此道幸願建飾以資福履余笑不
荅師曰星歲有期愚有冥告元和三年余罷金陵從
事河東薛公羊招遊境中師已卧病約言無易大和
癸丑自分命洛陽詔以檢校左騎省廉察于茲歲逾
再紀脩真已為異物龍宮棟宇將盡命告墳塔因追
昔言以頭陀僧會真部工歲事捐錢三十萬監軍使
毛公承泰亦施焉從事寮吏咸同勝因問埋慕仁風
靡爭施子來之功雲集清涼之宇鬱興浹旬而垣墉
周逾月而棟幹合煥矣真界昭乎化城擇靜行僧居
之以總寺事資我后無疆之祚資龍神水府之福一
雨之施潤洽必同七郡山澤城邑萬人介福所安翳

我龍德用迴法力永資泉宮刻石記言于寺之剎銘
曰滄海之隅會稽巨澤惟禹功力生人始藉土壤山
嶼濱海之東溟漲空闊邈祕龍宮貝闕難知珠宮莫
測雲雨交昏深沉不隔聞法必聽依佛必降豈騰溟
海亦化長江既資勝因為龍景福節宣風雨以成播
育撞鍾以告三界必聞唯爾龍室昭昭不昏我昔麻
衣有僧傳信斯人已亡斯言不泯敬報前志以垂後功
建飾儀相昭明有融普利群生罔資已力琢磨記言

吊剎溪古藤文

舒元興

剎溪上縣四五百里多古藤株枿逼土春入土脉他

植發活獨古藤氣候不覺絕盡生意子以爲本乎地
者春到必動此藤亦本於地方春且死色遂問溪上
人有道者曰谿多紙工萬斧斬伐無時擘剥皮膚以
給其業噫藤雖植物溫而榮寒而枯養而生殘而死
亦將有命於天地間今紙工斬伐不得發生是天地
氣力爲人中傷物之疾癘異日過數十百鄉東維西
雍見書文者皆以剎紙相夸予悟剎藤之死職止由
此此過固不在紙工且今九牧人士自言能見文章
戶牖者數與麻竹相多聽其語其自安重皆不曾握
驪龍珠苟有曉寤者其倫甚寡不勝衆者固以歛手

無語勝衆者自謂天之文章歸我輕傲聖人道使周
南風骨入於抑揚皇華中言偃卜子夏文學陷入於
淫靡放蕩中比肩握管動盈數千百人數千百人筆
下動數千萬言不知其為謬誤日月以縱自然殘藤
命易其柯葉波波頽沓未見止息如此則緜文妄言
輩誰非書剡紙者邪工嗜利曉夜斬藤以鬻之舉天
下為剡溪猶不足以給况一剡溪者耶後之日不復
有藤生於剡矣大抵人間費用苟得著其理則不枉
之道在暴耗之過莫由橫及於物物之資人亦有其
時時具斬伐不為天闕予謂今之錯為之文者皆天
闕剡溪藤之流也藤生有涯而錯為文者無涯無涯
之損物不直於剡藤而已余取剡藤以寄其悲

剡錄卷五

剡錄卷六上

詩詩中有及
剡者米焉

登臨海嶠初發彊中作

謝靈運

杪秋尋遠山山遠行不近與子別山阿舍酸赴修矜
中流袂就判欲去情不忍顧望脰未怡汀曲舟已隱
隱汀絕望舟驚棹逐驚流欲抑一生歡并奔千里游
日落當棲薄繫纜臨江樓豈惟夕情歛憶爾共淹留
淹留昔日歡復增今日歎茲情已分慮况乃協悲端
秋泉鳴北澗哀猿響南巖戚戚新別心悽悽久念攢
攢念攻別心旦發清溪陰暝投剡中宿夕登天姥岑



高高入雲霓還期那可尋
僮遇浮丘公長絕子微音

尋沈剡至嵎亭

虞騫

命楫尋嘉會信次歷山原
捫天上雲紉與石下雷奔
澄潭寫度鳥空嶺應鳴猿
榜歌唱將夕商子處方昏

遊沈道士金庭館

沈約

秦皇御宇宙漢帝恢武功
懽悞人事盡情性猶未充
銳意三山上託慕九霄中
既表祈年觀復立望仙宮
寧為心好道直由意無窮
曰余知止足是願不須豐
山嶂遠重疊竹樹近蒙籠
開襟濯寒水解帶臨清風
所累非外物為念在玄空
朋來握石髓賓至駕輕鴻

都令人徑絕唯使雲路通
一舉凌倒景無事適華嵩
寄言賞心客歲暮爾來同

微鏡湖故事

將尋鍊藥井更逐賣樵風
凡初刻石秦山上探書禹

穴中呂渭谿邊尋五老橋上覓雙童
嚴維梅市西陵

近蘭亭上道通謝良弼雷門驚鶴去射的驗年豐
賈肅

古寺思王令孤潭憶謝公
鄭槩帆開巖土石劍出浦

間銅庾驥興裏還尋戴東山更向東
裴晁

壯游

杜甫

越女天下白鏡湖五月涼
剡谿蘊秀異欲罷不能忘

歸帆拂天姥中歲貢舊鄉氣劇屈賈壘目短曹劉牆
淮海對雪
李白

朔雪落吳天從風渡溟渤海樹成陽春江沙皓明月
飄飄四荒外想像千花發瑤草生階墀玉塵散庭闕
興從剡溪起思繞梁山發寄君郢中歌曲罷心斷絕

別儲邕之剡中

李白

借問剡中道東南指越鄉舟從廣陵去水入會稽長
竹色谿下綠荷花鏡裏香辭君向天姥拂石卧秋霜

贈陸調

李白

挂席候海色當邑下長川多酌新豐醪滿載剡溪船

中途不遇人直到爾門前大笑同一醉取樂平生年

贈王判官

李白

昔別黃鶴樓蹉蹉淮海秋俱飄零落葉各散洞庭流
中年不相見蹭蹬遊吳越何處我思君天台綠蘿月
會稽風月好却遶剡溪迴雲山海上出人物鏡中來

避地剡中贈崔宣城

李白

忽思剡溪去水石遠青妙雪盡天地明風開湖山貌
問為洛生詠醉發吳越調赤霞動金光日足森海嶠
獨散萬古意閑垂一溪釣猿近天上啼人移月邊棹
無以墨綬苦來求丹砂要華髮長折腰將貽陶公詔

秋山寄衛尉張卿及王徵君 李白

何以折相贈白花青桂枝月華若夜雪見此令人思
雖然剡溪興不異山陰時明發懷二子空吟招隱詩

寄韋南陵

李白

春風狂殺人一日劇三年來興嫌太遲焚却子猷船
夢見五柳枝已堪挂馬鞭何日到彭澤長歌陶令前

夢遊天姥吟留別

李白

海客談瀛州煙濤微茫信難求越人語天姥雲霓明
滅不可覩天姥連天向天橫勢拔五嶽掩赤城天台
四萬八千丈對此欲倒東南傾我欲因之夢吳越一

夜飛度鏡湖月湖月照我影送我至剡溪謝公宿處
今尚在淶水蕩漾清猿啼脚著謝公屐身登青雲梯
半壁見海日空中聞天雞千巖萬轉路不定迷花倚
石忽已暝熊咆龍吟殷巖泉慄深林兮驚層巔雲青
青兮欲雨水澹澹兮生煙列闕霹靂丘壘崩摧洞天
石扉訇然中開青冥浩蕩不見底日月照耀金銀臺
霓為衣兮風為馬雲之君兮紛紛而來下虎鼓瑟兮
鸞回車仙之人兮列如麻忽魂悸以魄動恍驚起而
長嗟惟覺時之枕席失向來之煙霞世間行樂亦如
此古來萬事東流水別君去兮何時還且放白鹿青

崖間須行即騎訪名山安能攢眉折腰事權貴使我
不得開心顏

送王屋山人魏萬還王屋 李白

遙聞會稽美一度耶溪水萬壑與千巖崢嶸鏡湖裏
秀色不可名清輝滿江城人遊月邊去舟在空中行
此中久延佇入剡尋王許笑讀曹娥碑沉吟黃絹語

魯東門汎舟 李白

日落沙明天倒開波搖石動水縈迴輕舟帆月尋溪
轉吾是山陰雪後來

水激龍盤犯石堤桃花夾岸魯門西若教月下乘舟

去何啻風流到剡溪

秋下荆門 李白

霜落荆門江樹空布帆無恙挂秋風此行不為鱸魚
膾自愛名山入剡中

送定法師 楊巨源

鳳城初日照紅樓禁寺公卿識惠休詩引標華露一
雨經分貝葉向雙流孤猿學定前山夕遠鴈傷離幾
地秋空性碧雲無處所約公曾許剡溪遊

雲門五谿 許渾

此谿何處路遙問白髭翁佛廟千巖裏人家一島中

魚傾荷葉露蟬噪柳條風急瀨鳴車軸微波漾釣筒
石苔縈棹綠山果拂舟紅更就前溪宿村橋與剡通
湖上蘭若示清會上人
清晝

峯心惠忍寺崦頂謝公山何似南湖近芳洲一畝間
意中雲木秀事外水禽閑永日無人到時看獨鶴還

剡溪行

朱倣

潺湲寒溪上自此成離別迴首望歸人移舟逢暮雪
頻行識草樹漸老傷年髮唯有白雲心為向東山月

剡溪舟行

六言

朱倣

月在沃洲山上人歸剡縣江邊漠漠黃花覆水時時

白鷺驚船

送王公還剡中別業

皇甫冉

不見關山月何時到剡中已聞成樹木更道長兒童
籬落雲常聚村墟水自通朝朝隱去渡非晚對清風

袁郎中破賊後經剡中山水

皇甫冉

武庫分帷幄儒衣事鼓鞞兵連越徼外寇尽海門西
節比全踈勒功當雪會稽旌旗迴剡嶺士馬濯耶谿
受律梅初發班師草未齊行看佩金印豈得訪丹梯

潤州南郭留別

皇甫冉

縈迴南北岸留滯木蘭橈吳岫新經雨江天正落潮

故人勞見愛行客自無憊君問前程事孤雲入剡遙

冬中寄韋弁

李端

獨坐知霜下開門見木衰壯應隨日去老豈與人期
廢井蟲鳴苦陰堦菊發遲興來空憶戴不似剡溪時
送少微上人

李端

削髮本求道何方不是歸松風開法席江月濯禪衣
飛閣猿鳴早漫天客過稀戴顓常執筆不覺此身飛

雲陽觀寄袁稠

李端

花洞晚陰陰仙壇隔杏林漱泉春谷冷擣藥夜牕深
石上開仙酌松間對玉琴戴家谿北住雪後去相尋

寄剡中友

項斯

歇馬亭西酒一卮半年閑事亦堪悲船橫鏡水人眠
後蓼暗松江鴈下時山晚迴尋蕭寺宿雪寒誰與戴
家期夜來忽覺秋風急應有鱸魚觸釣絲

過吳張二子檀溪別業

孟浩然

卜築因自然檀溪不更穿園廬二友接水竹數家連
直取南山對非閑選地偏草堂時偃曝蘭棹日周旋
外事情多遣中流性所便閑垂太公釣興發子猷船
子亦幽棲者經過竊慕焉梅花初臘月柳色半春天
鳥泊隨陽鴈魚藏縮頂鱗停盃問山簡何似習池邊

宿雲門寺

宋之問

雲門耶谿裏泛舟路才通
黃緣綠篠岸遂到青蓮宮
天香衆壑滿夜梵羣山空
漾漾潭際月颼颼杉上風
茲焉逸嘉遁數子今莫同
鳳歸慨處士鹿化聞仙翁
樵徑謝村北學井何巖東
永夜豈云寐曉景忽朦朧
谷鳥嚙尚澀源桃驚未紅
再來期春暮當造林端窮
庶以蹤謝客開山投剡中

宿道一上方院

王維

一公棲太白高頂出雲煙
梵流諸洞徧花雨一峯偏
迹爲無心隱名因立教傳
鳥來還語法客去更安禪

畫涉松路尽暮投蘭若邊
洞房隱深竹靜夜聞遙泉
向是雲霞裏今成枕席前
豈唯暫留宿眠來將窮年

送惟律師

崔子向

陽羨諸峯頂何曾異剡山
雨晴秋到後木落夜開關
縫衲紗燈亮看心錫杖閑
西方知有社未得與師還

寄巖長史

章八元

昨辭夫子棹歸舟家在桐廬憶舊丘
三徑暖時花競發兩溪分處水爭流
近聞江老傳鄉語遙見家山減
旅愁或在醉中逢雪夜懷賢應向剡川遊

寄秦系

戴叔倫

北人歸欲盡猶自寓蕭山閉戶不曾出詩名滿世間
訓秦徵君春日見集

戴叔倫

終日愧無政與君聊散襟城根山半腹亭影水中心
朗詠竹窻靜野情花徑深那能有餘興不作剡溪尋

早行寄朱傲山人

戴叔倫

山曉旅人去天高秋氣悲明河川上沒芳草露中衰
此別又萬里少年能幾時心知剡谿路聊且寄前期

訪秦系

韋應物

俗吏閑居少同人會面難偶隨香署客來訪竹林歡
暮館花微落春城雨暫寒甕間聊共酌莫使宦情闌

舟行入剡

崔灝

鳴棹下東陽迴舟入剡鄉青山行不尽綠水去何長
地氣秋仍濕江風晚暫涼山梅猶作雨谿橘未知霜
謝客文逾盛林公未可忘多慙越中好流恨閱時芳

送師弟往台州

崔峒

遠客乘流去孤帆向夜開春風江上使前日漢陽來
別路猶千里離心重一杯剡溪木未落羨爾過天台

送越客

張籍

見說孤帆去東南別會稽春雲剡谿口殘月鏡湖西
水鶴沙邊立山廳竹裏啼謝家曾住處煙洞入應迷

送嚴維歸越州

李嘉祐

艱難只用武，歸向浙江東。
松雪千山暮，林泉一水通。
鄉心緣綠草，野思看青楓。
春日徧相憶，裁書寄剡中。

送越州辛法曹

李嘉祐

但能一官適，莫羨五侯尊。
山色垂趨府，潮聲自到門。
緣塘剡溪路，映竹五湖村。
王謝登臨處，依依今尚存。

送詈光大師

師以卓書應制

羅隱

禹祠分首戴，灣逢健筆尋。
知達九重聖，主賜衣憐絕。
藝侍臣，搗藻許高蹤。
寧親久別街西寺，待詔初離海上峯。
一種苦心師得了，不須迴首笑龍鍾。

送裴饒歸會稽

羅隱

金庭路指剡川隈，珍重良朋自此來。
兩鬢不堪悲歲月，一庖猶得話塵埃。
家通曩分心空在世，逼橫流眼未開。
笑殺山陰雪中客，等閑乘興又須迴。

送孔徵君詩

孔淳之也

皇甫曾

谷口幽多處，君歸不可尋。
家貧青史在身老，白雲深掃雪開松逕。
疏泉過竹林，余生負丘壑。
相送亦何心。

趙能卿話剡之勝景

羅隱

會稽詩客趙能卿，往歲相逢話石城。
正恨故人無上壽，喜聞即宰有高情。
山朝佐命層層聳，水接飛流步步

步清兩火一刀罹亂後會須來與月中行

送張司馬罷使適越

劉長卿

時危身赴敵事往任浮沉末路三江去當時百戰心
春風吳苑綠古木剡山深千里滄波上孤舟不可尋

孤石

劉長卿

孤石自何處對之如舊遊氛氳峴首夕青翠剡中秋
迥出奇峯當殿前雪山靈鷲慙貞堅一片夏雲長不
去莓苔古色空蒼然

雪夜訪別

劉長卿

扁舟乘興客不憚苦寒行晚暮相依處江湖欲別情

水聲冰下咽沙路雪中平舊劔鋒銑盡應嫌自贈輕

賈侍御自會稽使迴

劉長卿

江上逢星使南來自會稽驚年一葉落按俗五花嘶
上國悲蕪梗中原動鼓鼙報恩看鐵劔銜命出金閨
風物催歸緒雲峯發詠題天長百越外潮上小江西
鳥道通閩嶺山光落剡溪暮帆千里思秋夜一猿啼
栢署榮新寵桃源憶故蹊君為能亟去行復草萋萋

路入剡中作

方干

戴灣衝瀨片帆通高枕微吟到剡中掠草並花怜鷺
子停橈獨飲學漁翁波濤慢撼長潭月楊柳斜牽一

岸風便擬乘槎應去得仙源直恐接星東

山齋讀書寄校書

錢起

日愛衡茅下閑觀山海圖幽人自守朴窮谷也名愚
隔嶺知溪雨新泉到戶樞蘭叢齊稚子蟠木老潛夫
憶戴時過剡遊山慣入壺濠梁時一訪莊叟亦吾徒

憶吳處士

賈島

半夜長安雨燈前越客吟孤舟行一月萬水與千岑
島嶼夏雲起汀洲芳草深何當折松葉拂石剡溪陰
竹下殘雪

丘為

一點銷未盡孤明在竹陰晴光夜轉潔寒氣曉仍深
還對讀書牖且闌乘興心已能依此地終不傍瑤琴

送閻校書之越

丘為

南入剡中路草雲應轉微湖邊好花照山口細泉飛
此地饒古跡世人多忘歸經年松雪在來日世情稀
芸閣應相望芳時不可違

題招隱寺

張祐

千年戴顓宅佛廟此崇修古寺人名在清泉鹿跡幽
竹光寒閉院山影夜藏樓未得高僧盲煙霞空暫遊

剡中贈張卿侍御

嚴維

辟疆年正少公子貴初還早列月卿位新參柱史班

千夫馳驛道駟馬入家山深巷烏衣盛高門畫戟閑
逶迤天下樂照耀剡溪間自賤遊章句空為衰草顏

送嚴十五之江東

戎昱

江都萬里外別後幾悽悽峽路花應發津亭柳正齊
酒傾遲日暮川闊遠天低心繫征帆上隨君到剡溪

送清散遊太白山

卷經歸太白躡屨別蘿龕若履浮雲上須看積翠南
倚身松入漢瞑日月離潭此境堪長往塵中事可諳

京口別崔固

積雨晴時近西風葉滿船相逢嵩岳客共聽楚城蟬

宿館橫秋島歸帆漲遠田別年還寂寞不似剡中三

遊東峯宗密精廬

溫庭筠

百尺青崖三尺墳微言已絕杳難聞戴顓今日稱居
士支遁他年識領軍暫對杉松如結社偶因麋鹿自
成羣故山弟子空迴首葱嶺還應見宋雲

宋雲事見洛陽伽藍記

宿一公精舍

溫庭筠

夜聞黃葉寺敲錫兩俱能松下石橋路雨中山殿燈
茶爐天姥客暴席剡溪僧還笑長門賦高秋卧茂陵

寄清涼寺僧

溫庭筠

石路無塵竹徑開昔年曾伴戴顓來窻聞半偈聞鍾

後松下殘碁送客迴簾向玉峯藏夜雪砌因藍水長
秋苔白蓮社裏如相問爲說遊人是姓雷

送剡客

趙嘏

兩重江外片帆斜數里林塘遠一家門掩右軍餘水
石路橫諸謝舊煙霞扁舟幾處逢溪雪長笛何人怨
柳花若到天台洞陽觀葛洪丹井在雲涯

送人之江東

劉商

含香仍佩玉宜入鏡中行畫室隨來興扁舟不計程
渡江霖雨霽對月夜潮生莫慮當炎暑稽山水木清

送張又新除温州

趙嘏

東晉江山稱永嘉莫辭紅旆向天涯凝絃夜醉松亭
月歇馬曉尋溪寺花地與剡川分水石境將蓬島共
煙霞却愁明詔徵非晚不得秋來見海槎

送宣武從事越中

曉看星使範知欲敕星軺水國難驅傳山城便倚撓
秉籌先獨立持法稱高標旌旆臨危堞金絲發麗譙
別愁當翠巘寬望隔風潮木落孤帆迴江寒疊鼓飄
客鴻吳島盡殘雪剡汀銷坐想休秦嶽春應到柳條

送蕭鍊師入四明山

孟郊

閑於獨鶴心大於高松年迥出萬物表高棲四明巔

千尋直裂峯百尺倒瀉泉絳雪爲我飯白雲爲我田
靜言不話俗靈蹤時步天

送談公

孟郊

坐愛青草上意含滄海濱渺渺不見水悠悠不問人
鏡浪洗手綠剡花入心春雖然防外觸無柰繞衣新
行當譯文字慰此吟殷勤

剡溪館聞笛

丁仙芝

夜久聞羌笛寥寥虛客堂山空響不散溪靜曲宜長
草木生邊氣城池逗夕涼虛然異風出髣髴宿平陽

贈江州李十使君負外

我本江湖上悠悠任運身朝隨採樵客暮伴打魚人
跡爲燒丹隱家緣嗜酒貧經過剡溪雪尋覓武陵春

剡錄卷六上

剡錄卷六下

詩

送越帥程公闕

趙汝礪監察御史裏行

畫舫參差看欲飛
紛紛車馬厭塵泥
右軍筆墨空蘭渚
安道風流訪剡溪
白首得時歸
莫遽丹心懷國去
猶稽月明會醉蓬萊閣
應笑雲霄自有梯

右次雜端
正言韻

同前

曾孝宗虞部郎

虎符分鎮浙江東
艤棹都門使旆雄
雙槩徘徊扮社日
高牙搖曳剡溪風
蓬萊閣讌公書簡
賀監湖游獄榜空
行聽越民謠德政
亟還青瑣見旌忠

同前

劉奉世集賢校理

使君遺愛徧南州五馬新歸瘴海頭持橐未厭青鎖直懷章還作鑑湖遊餘姚人物傳吳遠越地山川向剡幽應有清詩資卧理會吟他日記風流

同前

王仲脩崇文院校書

一麾占得山川勝金鈕新提左顧龜蒼闕鬪龍辭日下紅旌引騎照江湄剡溪月午何妨醉曲水春餘好賦詩玉案天香携滿袖錦衣誰似過鄉時

晚泊嵎浦寄剡縣劉貺負外 潘閔

曉泛剡溪水晚見剡谿山徘徊駐行棹待月思再還

漁唱深潭上鳥棲高樹間應當金石友念我無暫閑

自諸暨抵剡

吳處厚

莫歎塵泥汨且圖山水遊維峯天姥翠一舸剡谿秋不見戴安道有懷王子猷西風無限意盡屬釣魚舟夷猶雙槳去莫不辨東西夕照偏依樹秋光半落溪風高一鴈小雲薄四天低莽蕩孤帆卸水村楊柳堤秋渚函空碧秋山刷眼青排頭煙樹老撲面水風醒上瀨復下瀨長亭仍短亭夜船明月好客夢滿流螢出得雲門路風悽日夕曛船撐鑑湖月路指沃洲雲山色周遭見谿流屈曲分一觴還一詠誰似右將軍

憶越

楊蟠

蓬萊閣面對青山地，上遊人半是仙。
漁浦夕陽橫掛雨，鑑湖春浪倒垂天。
高城尚鎖當時月，故殿空留幾處煙。
長愛剡溪堪發興，雪中曾棹子猷船。

寄雲門運禪師

顏復

句谿曲曲剡山重，誰訪桑門物外蹤。
超世有言皆實際，示人無意在機鋒。
平生懷抱佳高遜，壯歲衣冠錄俗容。
每想清禪心暫寂，秋聲蕭瑟夜庵松。

雨霽剡谿

錢昭度

剡谿風雨霽，航葦重行行。
到處楊柳色，幾家荷葉聲。
噪蟬金鼎沸，游水玉壺清。
最喜魚梁伴，歸帆的的輕。

剡中夜思

林槩

密樹芳穠碧草齊，春華微度綠陰低。
谿連崦水興何盡，路接仙源人自迷。
落絮有情風上下，好花無語日東西。
故園桃李經年別，一望歸心遶翠蹊。

剡溪書懷三絕

盧天驥

山鳥逢春恰恰啼，桃花流水路猶迷。
何時鼠子膏齋斧，笑領白雲歸剡溪。

故園生事只衡茅，不管方兄久絕交。
糲食枯椽吾易足，鷓鴣只占一枝巢。

山杏枝頭鴨鵝兒來傳春意語多時危紅可是渾無力不柰東風盡日吹

泛剡溪

愁呵龜手冷搖鞭乘興來登訪戴船解事篙師小鳴榔恐驚寒鴈入晴天

龍宮寺

華鎮

鹽梅器業尚風塵書劍曾游寂寞濱秀句玲瓏滿天下應搜佳麗入機神

金庭洞天

萬高秀入洛川清鶴去雲歸冷玉笙霜白金庭今夜

月流風依約有遺聲

桃源

嘉樹風生玉宇香鸞飛燕舞弄春陽歸來井邑皆如舊始覺仙家日月長

瀑布嶺

春日雲崖晴杳杳東風山溜曉泠泠煙霞密邇神仙府草木微滋亦有靈

戴溪

月華雪彩照長川一葉扁舟破紫煙十二瑤臺登賞夜清光長似昔時天

題戴溪亭

林東

溪亭故事幾年華，來值秋霖眺望賒。
雲障山峦多少處，雨埋煙火兩三家。
水肥去馬行高坂，汀沒閑鷗上淺沙。
誰是子猷誰是戴，小船杯酒興無涯。

獨秀山

李易

訪戴溪長近，若耶金庭雪對赤城霞。
沼從鵠舉添蕭索，峯似鳶翔解歎嗟。
每愛林間百種蝶，難忘竹外四時花。
剡川圖上他年指，獨秀山前是我家。

剡溪幽居

勝絕剡溪邊，巢枝度半年。
燕回嚙落絮，魚涌接飛泉。

丹鼎山頭氣，茶爐竹外煙。
幽居已成趣，佳致若為傳。

浴鵠沼

鵠沼開新鑑，纖塵莫遣遮。
翠光爭水鳥，紅影湛山花。
天外時分月，林端更蔚霞。
高飛留舊迹，全付謫仙家。

龍潭二

雲巘移佳茗，風潭遶怪松。
書傳黃石秘，稅可紫芝供。
抵玉休驚鵠，懷珠且伴龍。
聽經誰氏子，卉服秀仍恭。
虜騎侵淮海，龍潭路始通。
雲生迷寶刹，月皎現珠宮。
瀉澗泉噴薄，依巖樹鬱葱。
神交難獨擅，吾黨契元同。

西溪

王龍擘山開南騫肆奔猛風蕩雲濛濛月流光炯炯
壯氣動貴門前驅入蛟井萬籟息中霄一區臨絕境
奔雪有遺音垂磬得深省白雲何所聞就宿孤峯頂

登軍營塢

褰裳涉流水倚木送歸雲海角春潛到山腰路忽分
伏龍應厭睡飛電駭論文鶴雀知機早翻然不待羣

居剡一篇寄鄭天和

金庭洞在桐栢山山高一萬八千丈中有神仙不死
區郁郁黃雲覆其上透巖流壑遶四旁面勢參差皆
意向雞登天姥有時聞鶴羨沃洲何待放彩衣大勝

宮錦袍白髮奉親仍縱賞異才爭出輔清朝爽氣自
欣遊碧璋古來無位有重名吾家謫仙陸魯望平生
願到猶不諧矧彼區區走俗狀桃源康樂舊鄉存路
接風煙聽還往渡江正爲九華丹石笋飛泉婦指掌
鷺翔鵠浴傳異時列岫方池閑想像剡溪隨處可卜
居乘輿扁舟一相訪

貴門卜築

亂後亦擇居筮山山輒許居民百餘家喜甚手欲舞
去久聞公名此幸殆天與感茲鄭重意時節共難忝
剡川非沃野地僻民更窶趁時務擷茗餘力工搗楮

寡婦念遺秉汚池憐教畧我欲教耦耕盡力循南畝
桃杏種連山深居可長處東鄰有節士酒酣乃發語
公昔起布衣高議掩前古親擢類平津決見逢真主
兩宮佇六飛萬乘思一舉交侵正促強蓬起益旁午
浩然公獨歸偶出寧有補默塞復何言長歎汗如雨

題龍潭壁

貴門今是鹿門山
空室扶携萬壑間
流水偶隨真自
悟遙岑相望若爲攀
風翻竹塢慵休掃
月過松扉靜
不關潭底卧龍煩
一起正須霖雨濟塵寰

書剡山所見寄周侍郎

剡山無數野薔薇
黃雲爛熳相因依
玉杯淺琢承墜
露金鍾倒挂搖
晨暉班竹笋行三畝地
紅藥花開一
尺圍
豆角嘗新小麥秀
來禽向長櫻
桃肥歌舌隨風
柳外嚙翠花帶水
煙中飛魚跳破浪
奮赤鬣
鶴唳投
松翻縞衣鄉關萬里久
無夢
巖壑四年今息機
丁寧
杜宇往江北爲喚故人令蚤歸

題剡溪

王銍

我家住在剡溪西
萬壑千巖看不足
却笑當年訪戴
人雪夜扁舟去何速

山水戴逵邑尚餘清興
中千巖落花雨一徑
卷松風

酒茗延幽子圖書伴老翁
長生吾不羨久悟去來同

雪作望剡溪

玉樓瓊樹曉煙披
擁衲開門四望迷
清曠世人誰似我
雪中更對子猷溪

懷剡川故居

仲皎

煙光流轉太駸駸
又見春山換綠陰
蝴蝶夢中新歲病
杜鵑聲裏故鄉心
焦桐冷却風三尺
瘦竹拖來月一尋
早晚掉頭歸小隱
誅茅千嶂白雲深
斷雲流水古巖隈
憶得柴門半扇開
雪打子猷船上過
春從震運屐邊來
逃禪野榻排芳草
覓句寒崖掃

落苔容易二年拋
絕去不勝啼月曉
猿哀

病日飛蠅鬢雪乾
欲扶吾道愧衰殘
把他杓柄力何倦
還我鑿頭心便安
待摘菜花添午供
便裁荷葉備春寒
不辭高卧煙霞裏
枕上青山最好看

剡溪

王十朋

千古剡溪水無窮
名利舟乘閑雪中興
唯有一王猷

了溪

王十朋

禹迹始壺口禹功終了溪
餘糧散幽谷歸去錫玄圭

剡錄卷八

畫

戴逵畫南都賦圖

戴安道就范宣學

中興書曰逵不遠千里往豫章范宣宣見逵異之以女妻焉

視范所為范讀書亦讀書范抄書亦抄書唯好畫
范以為無用不宜勞思於此戴乃畫南都賦圖范
看畢咨嗟以為有益始重畫

戴逵畫行像

戴安道中年畫行像甚精妙庾道季看之語戴曰
神明太俗由卿世情未盡戴曰唯務光當免卿此

語耳列仙傳曰務光夏時人也好鼓琴湯將伐桀謀於光曰伊尹何如務光曰疆力忍詬不知其他湯克天下讓於光光曰吾聞無道之世不踐其土况讓我乎負石自沈於盧水

王羲之像

金庭觀有右軍書樓墨池舊有羲之像

王徽之像

劉原父徽之像贊曰人生誰不知妄為世所東興來當暫往興盡期自復大雪暗溪路新暗月微燭去非斯人慕返豈斯人辱優游便所適偃蹇尚幽獨

李紳像

龍藏寺有李紳書堂舊有李紳畫像

荆中溪谷村墟圖

畫錄曰毛惠秀荆中溪谷村墟圖一卷隋朝官本

李嗣真續畫錄曰惠秀繪事頗為詳悉太自矜持

翻成羸鈍不及惠遠湘東王蕭繹續畫品曰毛後惠遠之子便連有餘真巧未足

王詵雪溪乘興圖

詵字晉卿東坡題其圖溪山雪月兩佳哉賓主談鋒夜轉雷猶言不見戴安道為問適從何處來藥城次韻亟往遙歸真曠哉聾人不識有驚雷雖云不必見安道已誤扁舟犯雪來

荆川圖

李易詩剡川圖上他年事獨秀山前是我家易歷
給事中嘗居剡之貴門山剡川固可圖自惠秀之
後無其人耳一止剡溪道上詩一水縈不斷千岩
翠相扶扁舟訪雪月我昔見昼圖

訪戴圖

呂居仁荅錢遜叔訪戴圖詩北風吹霜夜如雪江
城草木凍欲折病夫袖手無所為一坐臨川已三
月忽蒙妙句起哀憊頓覓和氣生毛髮公能忘机
我亦倦不待文殊見摩詰昼圖是非久未解况保
長年不磨滅請公置昼莫多求要與時人除愛渴

李商老訪戴圖

當是商老所藏

李商老觀訪戴圖詩閑庭秋草積滿砌蒼苔深忽
向冰紈上聊窺訪戴心雪月俱皎、風林互森、
縱觀停艫處猶聞擊汰音終年剡溪曲何嘗返山
陰徒言吳已尽真妄誰能尋浮生圖昼爾慷慨為
長吟

廉宣仲訪戴圖

宣仲名布号射澤老農宣和間為昼李博士

王銍云僕自會稽泛舟至剡中是時雪遲梅子煙
外万枝未岸幽香不斷盖非人間世也友人廉宣
仲在四明聞之作子猷訪戴圖見寄作長句謝之

仍書四絕句于圖後剡溪万壑千岩景人境誰能
識心境君登山陰雪後船始悟前人發清興眼中
百里旧山川荒林雪月縈寒烟應緣興尽故无尽
賓主不見寧非禪當年戲留一轉語不意丹青能
尽覩更登人琴已两忘妙尽子猶真賞处白玉花
開碧玉弯戴逵溪上謝公山若教當日逢斯景肯
道扁舟尽興还越溪梅接剡溪濱得意还成一景
春此日可憐高興尽扁舟处、作東隣山回水轉
碧玲瓏月在羣山四合中香滿一船梅勝雪休誇
訪戴昼屏風梅英与雪一般色不得北風香不知
懶詠左思招隱句先生今有畫中詩

仲皎廬山圖

仲皎所作廬山圖窈窕清潤有詩書氣僧惟敬所
藏先公翰林嘗跋

十八高士圖

先公翰林居剡作雪館於玉岑山又作集高亭繪
晋八剡十八高士為圖列左右

紙

剡藤

李肇國史補白紙之妙者越之剡藤舒元興有悲

剡川古藤文文在文卷中吳叔紙賦曰金花玉骨
剡藤麻面劉禹錫詩精彩添隄墨波瀾起剡藤顧
逋翁剡紙歌雲門路上山陰雪中有玉人持玉節
宛委山裏禹餘糧石中黃子黃金屑剡溪剡紙生
剡藤噴水揭為焦葉稜欲寫金人金口偈寄與山
陰山裏僧手把山中紫羅筆思量點畫龍蛇出正
是垂頭搨翼時不免向君求此物丁晉公紙詩妙
制剡溪人多名錦水春歐陽公詩剡藤瑩滑如玻
瓈熊岑送程公闢詩溪藤頻得句雪舫夜留賓黃
太史詩蠶尾銀鈎寫珠玉剡藤蜀蠶照松烟韓持
詩剡溪柔弱難爭強紫巖緊實為最長李商老詩
相望唇亡齒寒困書來莫惜剡溪藤僧吳中謝吳
令惠越紙詩不用微文吊剡藤紙成功用貴深精
布頭未足全彰美魚網徒勞獨擅名贈我喜同青
玉案報公慙乏碧雲情道山何日鞭歸騎給扎還
應付長卿

剡紙

陸龜蒙詩宣毫利若風剡紙光如月梅聖俞詩巴
牋脆蠹不禁久剡楮薄慢還可怡

剡紙

薛能送浙東王大夫詩越毫逐厚俸剡硯得佳名
注曰近相傳以搗熟紙名硯雞林志曰高麗紙治
之緊滑不凝筆光白可愛號白硯紙林和靖詩紙
軸敲晴響茶鐙煮晚濃和靖又有槐木紙椎贈周
太祝詩輕如魚網滑如脂時寫新詩肯寄來硯紙
其法推搗也

剡溪玉葉紙

皇甫松非煙傳曰臨淮武公業位河南功曹參軍
愛妾曰非煙北隣子趙象窺見慕之象取薛濤詩
以剡溪玉葉紙書之達意于非煙煙復以金鳳紙

題詩酬之

澄心堂紙

剡用南唐澄心堂紙其樣甚展新安志曰續溪紙
乃澄心堂遺物歐陽公韓持國有澄心堂紙詩米
元章薛道祖亦有詩

玉版紙

東坡詩溪石琢馬肝剡藤開玉版黃太史有次韻
王炳之惠玉版紙詩

敲冰紙

張伯玉蓬萊閣詩敲冰呈好手織素競交鴛注曰

越俗呼敲冰紙新安志曰紙敲冰為之益佳剡之
極西水深潔山又多藤楮故亦以敲冰時為佳蓋
冬水也呂本中詩敲冰落手盈卷軸頓使几案生
清芬。

羅牋

蘇易簡紙譜曰蜀人造十色牋其文謂之魚子牋
又謂之羅牋剡溪有烏

古物

晉剡鍾

晉郭璞傳元帝為瑯琊王使璞筮遇豫之睽曰會

稽當出鍾以告成功上有勒銘應在人家井泥中
得之及帝即位太興初會稽剡縣人果於井中得
一鍾長七寸二分口徑四寸半上有古文所書十
八字云會稽徽命餘字時人莫識

戴安道琴

琴箋曰安道一琴比常製長一尺

許承瓢

唐先天中女冠投簡金庭見褚伯玉所得許承瓢
遂持以進

顧歡素琴

歡隱剡山齊高帝徵至進玄綱優詔稱善賜素歡琴
顧歡塵尾

齊高帝又賜歡塵尾

秦系硯

秦系山居詩洗硯魚仍戲移樽鳥不驚系注老子
穴山石為研

剡西古硯

剡開元御民斲土值研色下巖也渾璞澗蝕受墨
處獨砥中隳空處唐以前物銘玉在深山有道則
見山耶石耶陵谷幾變嗚呼此玉不晦不炫不以

知貴不以棄賤

八角石硯

剡丁發硯於破冢外肖義畫內鑿禹海赴手輕爽
石性已空入土老也銘二火一刀研與人俱高甲乙
丙丁硯與數不逃石之饗志之勞文之騷人之豪
二大洗

吳莊漁人得之歸章氏章氏遺余銘金兮精火兮
明土兮英水兮清器兮貞人兮聲

翠壺

甲戌冬剡丁發諸荒墟壺範簡古蘚花黛綠銅性

空入手輕 銘黛澤涵靈苔花布蹟金性積蛻土
膏輟蝕

三足洗

表弟周樞得之清化銘尚古維人範模首智伊谷
可陵厥用罔暨

剡錄卷八



國家圖書館, NATIONAL CENTRAL LIBRARY, TAIWAN, R.O.C.

剡錄卷九

物外記

道館

祠附

國家圖書館, NATIONAL CENTRAL LIBRARY, TAIWAN, R.O.C.

金庭觀在剡金庭山是為崇妙洞天金庭福地道經曰王

子晉登仙是天台山北門第二十七洞天桐栢山

洞中三十五里見日月下見金庭壁四十里又曰

天治華頂之東門曰金庭洞天周王子晉善吹笙

為鳳凰之聲從浮立登高而羽化維山去後主治

華頂號白雲先生往來金庭循山趾而右得小香

風月之夕山中有聞吹笙者

爐峯其峯八面即洞天唐裴通記曰金庭

山趾而左得小香爐峯即洞天北嘗聞吳

香時值一仙人從古不死真天下之絕境

五老峯上多卓劍峯具山形觀之後為放鶴峯山

大松如劍

多古木 具東有仙人走馬岡岡有路跡下有龍湫

水極清冽下流為小澗有赤水橋又東為洞山中

人皆姓董 是為毛竹洞天 洞天記曰毛竹為二十七洞天 洞門巖

石竦立有老木龍藤糾繞巖石洞前有碧洞去觀

二里曰再度材 世傳右軍度此見山嶺崇峻以為罕有故謂之罕嶺 去觀東

去十五里有大湖山峯勢入天上有赤水丹池 池可

丈餘深不可測其水色赤白 之則其清如鏡禱雨甚靈 舊為王右軍宅東廡

設右軍像有書樓墨池鵝池 裴道記曰琅琊王羲之家于此山其書樓

墨池舊制猶在書樓今不存墨池方丈餘水或清

或黑亦甚異也又有鵝池在卓劍峯之下可三畝

水極清潔石鼓山有靈 右軍捨宅為觀初名金真

鵝巖謂鵝飛于此山

館又改金真宮 舊傳右軍捨讀書為觀 宋齊間褚伯玉居此

山 伯玉房此山三十餘年後遊南霍山復歸謂弟子曰吾從去十旬當逝及期而終年八十六史

言齊高帝迎之弊疾勅於剡白石 沈約有金庭館

山立太平館居之與舊經少異

碑唐先天間遣女道士投簡金庭觀見許承瓢遂

持以進 真誥曰上虞吳曇得許承一瓢贈伯玉伯玉已授弟子朱僧受歷代寶之可受一斛

張說題金庭觀詩 女珠道在豈難求海變須教鬢不秋他日洞天三十六碧桃花

發共 唐僧小白題金庭觀詩 羽客相留宿上方金庭風月冷如霜直饒

人世三千歲未 羅隱送裴饒歸會稽詩 金庭路指抵仙家一夜長

重良朋自此來兩鬢不堪悲歲月一庖猶得話塵埃家通叢分心空在世逼橫流眼未開笑殺山陰雪中客等閑 李易居剡寄鄭天和詩 金庭洞在桐栢山山高一

乘吳又須迴

萬八千丈中有神仙不死區郁郁黃雲覆其上透
巖流壑遠四旁迴勢參差皆意向難登天姥有時
聞雀羨沃州何待放彩衣大勝官錦袍白髮奉親
仍綴賞異才爭出輔清朝爽氣自驚遊碧障古來
無位有重名吾家謫仙陸魯望平生願到猶不諧
矧復區區走俗狀桃源康潔舊御存踏樓風烟甘
遠往復江正為九華丹石笋飛泉歸指掌鷺翔鷓
浴傳異時列岫方池閑想像剡溪隨處可卜居乘
吳扁舟
正相訪
鳳墨沼人傳詠白鵝一世風流俱寂寞千年氣
象故差我登臨不盡懷人恨唯有蒼蒼召可磨仙
都李清史詩
山屬蓬壺第幾重奇峯翠岫繞靈宮
雲藏毛竹深深洞煙起香炉裊裊風
放鶴已歸天漢上春鵝無復小池中
羽人盡得飛章法神興寥陽路暗通
右軍平昔愛觀鵝尚有池塘聚淥波
但見當時塵跡在徘徊終日對差我
尋真窮養浩崇妙路迢迢洞掩峯千疊塵分水一
條白雲生石壁飛閣挿峯腰隱隱存仙跡渾疑在

碧羽士葉參光詩
迢迢人間入路遙忽窺仙闕絕
塵萬事尋奇異彼燕石文戴興

霄羽士葉參光詩
崇是晉朝攻藝高樓無筆硯峯鵝靈沼識
翦美英雄雖逐年華謝萬古具風冠碧霄
淮南馬

并詩
右軍李業隱林丘世隔年餘景尚幽
弘殘墨沼雲遮三級舊書樓欣逢羽客開金

闕儼觀仙童侍玉梳自恠今
朝脫几骨飛身得向洞天遊
四明朱仝詩
憶昔義

脩龍蟠雲捲卒難搜鵝池墨
羽士李太澄詩
步山

沼今雖在誰復書堂筆下求
羽士李太澄詩
步山

轉幾重五雲深處敞琳宮峯岫秀擁神仙至門徑
清無世俗風畫靜暮聲深院裏月明琴弄夜堂中
丹成仙子無餘事
祇待蟠桃信息通

桃源觀唐為太清宮在剡門之北
唐武德八年置號
太清後廢乾祐三

年重置曰桃源觀人言太清宮屈趾延衰在北門
之外今門外田疇猶曰宮前吸按具越時有東都
帖曰桃源觀宮主靈逸大師陸契真乞以錢本回
運香油未審剡縣太清宮所彼三清大師作真聖

宮此帝院使用則是時太清宮
尚有又與桃源現為二區矣
沈邁贈剡溪桃源
宮王道士詩 我昔剡溪遊道士一相遇重來十歲
蒼然乃知世上榮詭若山中問道人東都問胡
不歸北北方多風塵素衣化為黑斯言共所信吾
志亦江湖瀟灑會稽守平生欣莫如君思容
苟安願奉三年計幸爾數到城間談北方事觀有
古鐘世傳鍾靈今嶽
祠前田池中

僧廬

惠安寺在剡山之陽舊曰般若臺寺又曰法華臺寺

晉義熙二年南天竺國有高僧二人入金華師道
深弟子竺法友授河毗諱論一百二十卷甫一宿
而誦通道深遂讚法友釋迦重興今先投記遂往
剡東岬山復於剡山立般若臺寺會昌廢咸通八
年重建改法華臺寺天祐四年吳越武肅改興邑
寺大中祥符元年改今額十道志曰西臺寺今法

臺寺是也陳
惠度所立 寺有上方軒窻與谿山對極高望之眺

山中產草號鹿胎草 臘士陳惠度射鹿此山鹿孕
而傷既產以舌舐子身死而

後母死惠度棄弓矢投寺出家後為 寺有灌頂壇
名僧鹿死之處生草號曰鹿胎草

張繼剡縣法臺寺灌頂壇詩九燈傳像法七夜會
尤華月靜金田廣幡搖銀漢斜香壇分地位宝印

辨根牙試問因緣 趙嘏有早發剡中法堂寺詩當
者清溪无数沙

法臺寺暫息勞生樹色間平明塵事又相關吟
宿處煙霞去心負秋來水石閑竹尹半開鍾未絕

松枝靜零鶴初還明朝一倍 寺有增勝堂寺僧彦
堪惆悵回首塵中見此山

強所居王鉅題詩 心是華嚴境圓机更善根一塵
迳呼猿開竹門妙高 彦強山居詩 老矣毋能役高

峯頂住客到一忘言 彦強山居詩 分草草緣放渠

藜六尺銷得屋三椽雪尽收茶草雲 擇璘題思安
暗拾菌鮮有時臨近澗搥手弄潺湲

清意大師幽遠菴詩

得意幽深觸處真何須立壑密藏身爰茲殊勝園林地非

彼等閑花木春白昼杜門人莫到清談絕俗世難親紛紛鬧市繞山脚独有此中無點塵

圓超寺在剡山之西舊曰灵岫庵

晋天福六年建奉国院大中祥符賜

今王鉅詩

松間清月佛前燈庵在危峯更上層犬吠一山秋意靜敲門知有夜歸僧

中奉灵感大士精祈必格寺有大觀舊記

記曰圓

舊曰灵岫庵有老僧独居礼观音观音遍舊工王温夾芋為之治平初国子博士鄭公宰剡秋夜月明夢一人儀形有異進而前曰衣敝久矣幸念之一日詣寺見大士像喟然曰感夢者非此乎命工績飾宰及瓜謂院僧曰大士常感於予願輸金易之以去僧合謀曰金雖多豈若大士在山中可為无窮之福利也貴金請於宰前一夕宰之家人皆夢大士曰翌日當訣矣宰見僧至遂奉以歸自是剡人益異其事乃記大士灵感之因大士灵感有之跡云崇寧五年四月旦承務郎尉鄭雄飛記

亭盡得溪山登覽之勝曰挾溪亭盧駿元題圓超

寺挾溪亭詩

孤亭瞰平野雙溪分兩腋野闊春風香溪晴照人碧我来亭上天欲春溪

聲野色爭赴人自中丘壑相映谷脩然便欲乘甃輪惜無妙手王摩詰半破鵝溪重叠出溪山應喜

得賞音尽遣煙霞供落筆我嗟吟鬢犯車塵一凭危欄眼界新寄謝溪聲與山色他時來作箇中人

梅谿王十朋次韻

物外高雙溪眼中碧山川腋孤亭

去幾春賞音端的逢詩人自從妙語發丘壑遂使絕境多蹄輪我来首訪維摩詰問訊雙溪自何出

發源應與婺溪同賦物慙無沈即筆凭欄一洗利名塵入眼翻驚客恨新山城重重水如帶可能挽

住思王鉅登挾溪亭詩剡中何許隔林垆無復晴鄉人

角乱雲深松嶺之側舊有俯山堂前拖衆山下瞰處疊秋屏

井邑堂廢已久昔人畜題甚多如近離城中寺前不多地高壓樓臺无限家不知誰氏作

巨竹數萬箇琅玕入天今非昔矣

瑞像寺在邑之東吳越武肅王所創唐景福元年

南巖解院唐龍紀元年建縣東二百步今廢為民居

寶性院在剡山之西唐曰清泰院唐乾元中建清泰院會昌廢晉天福七年重建大中祥符元年賜今額

寺下有古井輿地志曰城內有石井深五丈即此也

超化院在剡門之北其後枕剡坑有林澗之美晉七年

年中祥符改今額院有鑑軒石延慶題鑑軒詩曾揭

猶恐太分明一慶不立元無物萬像俱涵豈有情

堪笑越湖三百里劉彞嘗賦悼賢詩越州剡縣超

等閑風浪不曾平

卯春予寄居是邑民方阻飢流莩萃千里集於城

下縣令祕丞過公彥專勸誘豪族得米二萬斛以

救民明年又飢遂出常平錢萬緡請糴於明婦以

剡價申宮取其贏米幾萬斛繼續民命尚悼其不

給也乃刻俸麥七十斛為種而假超化院左僧民

之曰十餘頃後飢民耕種之明年得大麥五百餘

斛嗣給流民各得歸業熙寧己酉春余倅永嘉就

移湖北道出剡溪民有懷遇公者尚皆感泣而院

僧聞其云亡尤增痛悼因書屋壁繼以詩良疇十

頃接晴壺曾假過侯就早年俸麥一車開德濟流

民千里荷生全人嗟逝水今亡已俗感遺風先公

尚泣然獨對老僧談舊事斜陽春色漫盈川先公

和曾原伯寄超化舉長老詩履水霜凜節柯鵬翼

扶搖驚斥鷃鳳翔寥廓舞靈鵝參元問李淵源遠

友許游從日月多誰袖新篇來古剡夜寒不覓聳

哦

明心院四山環合自成一嶼寺在其中前臨松嶺路

通吳越

建隆二年陳承鄴捨宅建號黃土搭院大中祥符改今額在縣北二里魯國

唐咨記

一記曰邑北五里林岫出於群峯白黃土嶺嶺

腰有靈泉清冷甘滑行者負者滌熱為涼顯德七年鄉民蘇老賓請子錢氏為僧院宗建隆初為黃

土塔院又有陳房二翁捐山川廣寺治平三年賜

今額景祐中僧仁偃慧為二泓立廊川昇凡二百

級人至蕭洒不知人間有暑惟佛法能轉惑見為

真空之理超悟乎妙道之場所謂西山之巔有歸

明心者曰夫明心之理以告云

鴻閣王銍歸鴻閣詩初離江渚荻生芽飛到龍荒

軍憂固不憂家不向山林散晷欄夕陽空伴六朝

山故人為我留歌吳絕勝溪邊訪戴還今君有意

去來中白日无私物自公回首仲皎歸鴻閣詩精

溪山莫畜恋不隨社燕與秋鴻傍脩嶺道心隨眼明山遺僧偃迹水作剡溪聲無

雨竹亦洋有凡松更清上方真可住不用觸歸情

又有歸雲亭仲皎歸雲亭詩

一從飛出袖舒卷意

風歸帝鄉無心憐洒落到處自又有偃公泉僧仁

清涼縹緲來空碧吟邊帶夕陽泉自何時有得名偃施

水得名水味王梅溪偃公泉詩從偃公誰能繼長

清甘宜茶寺有詩僧仲皎自號閑閑庵今為倚吟閣

陸為載先公為僧惟敬記之寺之南麓先公翰林所藏

山有藏書寮又有雪廬玉峯堂秀堂

福感寺依小坡有竹前有橋橋下澗水通焉

晉天福四年建

號報恩大中祥符改東二十五里

普安寺居坦平後依山甚高峻號白雲山雲起即雨

山中林木前有池宋元嘉二年建會昌廢後唐清泰二年興東二十五里

資福寺在平野後有小山東望四明山前鑿小池晉天

福八年建號增福大
中祥符改東三十里

尊勝寺在小坡陀中山枕四明山寺之山曰清泉山

凡寺之內外前後每鑿地三尺必得水雖地有高

下無所異文室之前有两池清潔紺碧宋永嘉二
年曰厚山

院會昌廢天福六
年建東四十里

華藏寺居陽坡有竹樹左為四明山乃茹蘭禪師所

立晉開運二年號雲峯院大
中祥符改東四十五里

上乘寺枕四明山四圍皆山多林樾池前一巨壑其

左一池水湛潔距寺之西南一里有雪潭有龍居

馬梁永明二年置安福寺會昌
廢景福元年建東七十里

法祥寺据山山勢秀拔左右環擁林木陰翳寺之後

有峯曰獅子頂距寺三里有靈鵝山世傳右軍鵝
池中鵝飛至此

中山有石鼓洞洞為穴二高七丈有二石鼓晉時
於此

山置石洞中可坐一二十人清淨澄還洞之前有

澗水潺湲宋元嘉二年號延福會昌廢後唐清泰
二年吳大中祥符改法朗又改今額東

七十
里

清隱寺居山腰其北三峯皆峭峻巨杉交蔭路通四

明雪竇山其第二峯有龍池池中有金蛇金線文

龜蛇見則雨前有二洞橋橋下清澗滿激又有四

照亭左右有二巨壑唐大中七年建號三峯院仲

皎送僧入三峯詩上人瞿曇喬律身王无瑕力究

許三峯隱蒼霞堂上大道師灵芝發根芽想見湯

法施藝、鼓聲搥上人從之游勿憚歲月遊坐待

霜露熟香

凡散天葩

明覓寺据山後依燕尾峯面獨秀峯林木環聳山中

有七井具一大者深五丈闊一丈有一灵鯁若大

椽常見之寺之左有白蓮龍潭下有巨壑曰白蓮

池寺始于長安營為後有老師望一處有灵光遂

遷今所梁大通元年智遠禪師建禪林寺會

昌廢晋天福建大中祥符改今額南二十里

空相寺依平山前有澗水太平興國元年號開明院

大中祥符改南四十里

禪惠寺据山之坡山形圍烏山林蔚青前有一池右

有迴龍橋橋之下澗水出烏山中有古井名景明

中安南將軍黃僧成家天雨錢數億萬捨以造寺

號錢房寺梁天監中改禪興寺會昌廢咸

通二年重建縣之西二十里

天竺寺宅山之腰山極崇峻多篠竹前山亦魏竦寺

之前有石曰安禪石四五枚又有破石石平為半

有清澗環激晋天福七年建號西明院祥

符改今額縣之西二十里

顯淨寺在平嶼左右有松竹寺有八池水甚清美其

西廡有白鶴井齊永明三年建青林寺會昌廢後

唐長興元年建大中祥符元年改

縣西二十里

悟空寺据高巖前有巨壑又東有山澗通蛟井周廣

年於古烏流寺基建保安院有石如鼓不擊自鳴

治平二年改在縣西二十里白樂天沃洲山記曰北對

四明而金庭石鼓介焉盧天驥題石鼓詩江在

欲尽頭招提无處着清幽寒沉水底長留月冷入

大明寺居獨秀山面大谿有古井可五尺深数尺水

不曾少竭山之西為韶国師所鑿有坑甚深晋天

年有姚氏女捨宅為寺曰崇明寺

真如寺白道猷行谿而來登山腰有礼拜石石上有

两穴膝如陷烏山中築庵道猷居焉其後於山之

坦平者立刹四圍山林蔚茂峯峦峻拔澗溪逸寺

清汲皆通澗水入于五龍山潭周顯德元年號宝

壽院大中祥符西

四十

宣妙寺居法華山林樾清邃山有大士井泉味精美

深無底東麓有清泉筒引以入于寺具東二小池

植蓮宋元嘉二年號崇明寺會昌廢晋方鴻飛宣

天福四年建治平改西四十里

妙寺詩

聽鳥語僧歸晚塢放蜂衙不須

戒德寺依火爐尖山山甚秀拔如星子峯前有松林

老遠來估酒只覓天酥為點茶

左右皆松竹二池澄潔齊永明三年置光德院會

普惠寺依遙望山有林樾前有橋流水過之東為放

生池

奇永明三年號安養法華院會昌廢乾符重建治平改西四十里

王鉉題普

惠方丈詩

鏡裏形容水底天定將何物喻其禪心安便是毗盧界盡日添香伴元然

證道寺居五龍山峭崖絕壁上攀雲霄竹樹陰蔽前

有陰澗來自寶壽山注千龍潭潭有五山中有晉

高僧白道猷道場

山中產茶不在日注下取潭中水瀹茶尤絕奇西四十五里晉

開運元年號五龍院

定林寺依山林壑崇峻山抱其石其左翼以大谿水

石清湍水出于黃院相去五里有響巖雨下則巖

響又有東泄潭有龍居焉其左有山曰石姥山宋

嘉二年號松山院會昌廢晉天福重建治平改西四十五里

山中有響巖龍潭

盧天驥過定林寺詩

寒旌隱：入花封小雨初晴水帶昏不憚山程尋寺去只

將詩思與僧論表浸水步深藏艇柳暗人家半掩門莫厭禪居蕭冷甚此來一為訪谿孫

下鹿苑寺山接太白山

其上即披雲寺宋元嘉二年建號靈鷲寺會昌廢咸通十

四年重建治平元有隱天閣盧天驥登鹿苑隱天

閣詩

欲結爰山人共了尋山積未有買山錢愁聞有山賈小雨濕春風倦雲遮落日不若叫風

來吹雲放山出一眼吞萬山寸心貯千里何日上歸舟教人問春水殘雪領春來疎鍾驚夢去尚憶

法年愁孤再登隱天閣詩好在滄洲趣青蘋入眼舟繫江樹

春何生事詩千首功名印幾山有龍潭潭洩水一

窠如何喚禪伯軟語坐盤陀

為飛瀑對瀑水為玉虹亭盧天驥登鹿苑寺玉虹

亭詩飢脆愁獲號窮冬層峦秀壁撐晴空闌拖小

段淪鼎篝火烹團龍餘甘入口齒頰爽兩腋便欲

上清風悠然千里墮眼界金篋割膜開雙曉乃知

足力不到處別有天地生壺中國思欲報己華髮

征車未去先晨鍾玉川乘雲紫皇家謫仙騎鯨何

伯宮聊追二子歸高葛翁仙壇壇之北有仙井水

極清美下通海眼四時不竭上有石覆之

上鹿苑寺山自太白山來有姚聖姑者來赴下鹿苑

供不納遂披雲登山中曳裾止處有靈犬隨之遂

立寺盧天驥遊鹿苑寺山詩喜策尋春杖登高不

暖飽花鬚把酒憐櫻笋臨流憶鰕魚他時公事了

才有醉工夫宋元嘉七年姚聖姑於西山造披雲

院晉天福七年吳越改山中有接山堂盧天驥詩

披雲寺西四十五里政和戊戌自東憲游云子嘗愛晉人吏隱多在會

稽而王子猷冒雪訪戴尤為一時勝事予以捕寇

過剡時方大雪初霽山流暴漲橋斷不可行遂登

鹿苑寺憑欄四矚更覓溪山來相映發豈真中令

當日應接不暇處耶為名堂為接山且賦詩以記

其事故臘老欲尽新春慳未令沈梅覓且遣

山禽催雲問古招提鉄鳳翔斗魁單車夜剝咏境

淨無纖埃脩篁弄瘦蛟怒瀑生晴雷坐久款頰風

吹我心霧開迺知白蓮社未下黃金臺緬思王騎

石攀孺月枝

春到晚

泉聲火坐不自由欲到

名悞吾心信自

地風

盧天驥再登接山堂詩驚峯遊屐火我

不惡林壑

富詩材

獨住多時僧護

刻錄卷九



國家圖書館, NATIONAL CENTRAL LIBRARY, TAIWAN, R.O.C.

剡錄卷十

草木禽魚誌上

木

松

道元水經曰嵎山臨江松嶺森戴達松竹贊

猗松竹獨蔚山臯南南脩竿森森長條戴公文
章世少見之此贊甚簡古森嚴

栢

謝靈運山居賦曰木則松栢擅會稽郡記曰會
稽境多名山水峰崿隆峻吐納雲霧松栢楓栢枝

國家圖書館, NATIONAL CENTRAL LIBRARY, TAIWAN, R.O.C.



擢幹聳鄭僧保剡人孝感甘露降松柏條

檀

傳曰檀可爲車故曰彊韌之木陸璣草木疏曰檀木皮青滑澤南渡初製五輅須檀爲車軸取諸剡至今郊年文移如舊

櫟

水經曰謝靈運與惠連聯句刻孤潭櫟側詩曰山有苞櫟雅注曰櫟有球彙自累

梓

水經曰謝車騎居嶧山東北曲江起樓樓北桐梓

森從

桐

謝車騎嶧江所居桐梓森從人號桐亭丹池山在剡之東舊曰桐栢山道經曰上有桐栢合生

棟

出謝靈運山居賦棟有花詩人稱之梅聖俞棟詩紫絲暈粉花綠羅布葉攢飛陳後山詩密葉已成蔭高花初着枝

椿

剡溪谷多此木孔德紹詩歲積松方偃年深椿欲

秋用莊子事妙絕

杞

謝靈運詩澆池溉稷稻輕雲暖松杞齊唐詩榎枏
非給燎鱣魴必施眾

楮

出越經說文曰楮穀也陸璣草木疏曰江南以楮
搗紙剡溪作水紙亦取此東坡詩膚為蔡侯紙子
入桐君錄李易剡貴門卜築詩趁時務擷茗餘力
工搗楮謂作紙也

檉

出山居賦越經爾雅曰檉河柳張衡南都賦注曰
檉似栢而香江淹檉頌曰碧葉卷藹賴柯翕翹喻
鳧詩曉壇檉葉露春圃木苗風

檜

李德裕平泉草木記曰木之奇者會稽之檜爾雅
曰檜栢葉松身越僧忠詩檜影寒猶帶雪溪
流澁未銷冰谷間有絲檜益奇

橡

漢書注曰橡實也顧况書堂銘曰栗裊險援
猿相爭許渾詩肥栗留山鼠月冷菰蒲散水

禽

柞

周處風土記曰始寧剡界山多柞木吳越之間名柞為榭爾雅曰榭杼柞樹也漢五柞宮即此木

石楠

李白詩水春雲母碓風掃石楠花祖可詩不知疊嶂夜來雨清曉石楠花亂流魏王花木志曰石楠樹野生二月花開剡山谷多此冬葉尤可愛

朴

平泉草木記曰厚朴得之剡溪

樟

出越經酉陽雜俎曰江東人以樟為舡張嶠詩白水汪汪滿稻畦樟花零落徧前溪

棕

輿地志曰越太平山生棕木剡多此木非止太平山也

楮

出越經李嘉祐詩子規夜啼楮葉暗遠道春來半是愁也

思木

平泉草木記曰相思木得之剡谿三異記述異記
皆曰戰國時 有民戍秦妻思之卒塚上生木枝
葉皆向天所謂之相思木吳都賦曰相思之樹注
曰樹理堅邪斫之有文可作器陸龜蒙詩樹號相
思枝滿地鳥語提壺聲滿溪權德 相思木詩空
見相思樹不見相思人

栴檀

十道志曰會稽有栴山剡山谷多植山海經注曰
一皮一節廣志曰栴檀葉如車輪二月一採轉
復一生郭璞并問頌曰異木之生疑竹為草攢

石徑森葳山道此八字竒東坡粽子詩贈君木魚
三百尾中有 黃子魚子仲皎 子詩綠木求魚
不是難夜义頭上捍波 皮剡龍甲凌雲老子入
魚胎帶雪寒

竹

許敬宗竹賦曰 谷著美稽山見知衛稱淇
澳梁賦夾池吳筠竹賦曰渭川千畝山陽數
林會稽潤玉羅浮色金竹在會稽尚矣剡左
在沙村最宜竹

箭竹

左傳曰東南之美有會稽之竹箭剡謝巖五龍山
尤多靈運山居賦曰二箭殊葉注曰苦箭大葉筭
箭細葉戴凱之竹 曰會稽箭最精節間三尺堅
勁中矢字統曰箭竹之別形小身大葉曰 原
父箭竹詩冉冉東南美托根那在茲黃太史箭筍
詩會稽竹箭天下聞青嶺霜筍搖紫雲巽中詩適
越長懷冬箭美遊吳未數尊絲滑

毛竹

金庭曰毛竹洞天有毛竹李大 詩毛竹巖深藏
羽客柯山日晷更舒長李清叟詩雲藏毛竹深深

洞煙起香爐鳧鳧風

斑竹

博物志曰洞庭二女以涕揮竹盡斑唐蔣防湘妃
泣竹賦曰帝舜兮南巡不迴二妃兮心傷已摧淚
浪浪而墮睫竹冉冉而凝苔李端詩雲去低斑竹
風來動白蘋李易剡山詩斑竹筍行三畝地紅
花開一尺

燕竹

燕來時作筍取其早也王梅溪在剡有詩問訊東
牆竹佳名始得知龍孫初迸處燕子正來時

苦竹 一

山居賦曰竹則四苦齊味謂黃苦青苦白苦紫苦也越又有烏末苦頽地苦掉苦湘簞苦油苦石斑苦苦筍以黃苞推第一謂之黃鶯苦刺亦有之孟浩然詩歲月青松老風霜苦竹餘亦有油竹

水竹

山居賦曰水石別谷注曰水竹依水而生甚細密

石竹

山居賦注曰石竹別叢大以充屋巨者竿挺之屬細者簋箬之流閩中記曰勞竹似石竹

慈竹

任昉述異記曰南中生子母竹慈竹是也酉陽雜俎曰慈竹夏雨滴汁入地而生王勃慈竹賦曰如母子之鈎帶似閨門之梯友喬琳慈竹賦曰類宗族之親比同朋友之造滕宋景文公慈竹贊曰根不他引是得慈名注曰竹性產根不外引密不容竒生夏秋也

桃枝竹

書曰篋席純孔安國曰篋桃枝竹也爾雅曰桃枝竹四寸有節又有梁簡文帝竹賦曰王潤桃枝

之麗魚腸雲母之名梁元帝詩柯亭臨絕澗桃枝
夾細流皮日休詩鼓子花明白石岸桃枝竹 翠
嵐溪

笙竹

字書曰笙竹名也有早竹晚竹縣竹梅聖俞詩侵
天笙竹溪西東

筋竹

羅浮山疏曰筋竹堅利南土以為矛筍未竹時堪
為弩絃皮日休詩烏紗任岸穿筋竹白袷從披趨
肉芝

閃竹

越閃竹即宋景文黃大史所謂對青竹宋公贊曰
翠溝如畫黃太史賦曰金碧具相

紫竹

剡山谷間往往有之宋景文紫竹贊曰竹生三歲
色乃紫

方竹

玉岑山所植贊寧筍譜曰辰山有方竹其方二寸
桂苑叢談曰李德裕遊甘露寺贈僧方筍竹杖後
數年至寺僧圓之矣陸蒙筍賦曰洪 靡定方

圓不均注曰南方有方竹宋景文方竹贊曰竹箇
皆圓此獨方形張忠定公方竹詩筍從初茁已方
堅峻節凌霜更可 王平父方作詩方竹同吾操
端然直物間

人面竹

剡山有之竹徑幾寸近本逮二尺節極促四面參
差竹書曰如魚 而凸頗類人面

淡竹

本草曰竹類不一而農經所載惟篔簹竹苦竹淡竹
耳

栖竹

嶧山有 栖 王梅溪嶧山賦靈 忽翫於蘆栖
竹譜曰竹膚是蘆浙江以東以為 空於筆

花

牡丹

仲皎牡丹詩王稜金線曉粧寒妙入天工不可干
老去只知空境界淺紅深紫夢中看擇 牡丹詩
東君着力為渠栽妙絕真姿不受埃嗟我一觀如
夢幻倚 非為愛花來

芍藥

李易剡山詩斑竹筍行三畝地紅 花開一尺圍
王梅溪剡館芍 詩已過花王候 聞近侍香來
游禁酒地免作退之狂

海棠

草木記曰木之奇者會稽之海棠沈立海棠記曰
德裕言花中帶海者從海外來程琳海棠詩所謂
海外移根灼灼奇是也海棠以蜀本為第一今山
間所有多野棠王梅溪在剡有海棠詩欲與春爭
媚嫣然一笑芳雨中如有恨疑是為無香先公在
剡謝人海棠詩富貴天姿錦里人高華全比玉堂
臣綠嬌紅嫩精神是肯拆園林兩樹春注曰花譜
以海棠比翰林 士唐吳融海棠詩太尉園林兩
樹春年年奔走看花人此詩全成讖也

桂

草木記以剡中丹桂為奇德裕有訪剡溪樵客得
紅桂詩曰昔聞紅葉枝獨秀龍門側越叟遺數株
周人未嘗識來自天姥峯長凝翠嵐色記中曰又
得剡中真紅桂李白詩何以折相贈白花青桂枝
雖然剡溪興不異山陰時 長卿寄剡中諸官詩
桂香留客 楓暗泊村時梅溪王公記周氏天香

亭曰巖桂數百根皆古木也蒼然成林森然成陰
洞然而深 徑通幽而亭乎其中主人曰與客游
焉如入宜人_之林而夏不知暑如登飛來之峯而
香 自天如騎 蜃游兔宮而下游人間世貞剡
之絕境也先公次韻楊少雲桂花詩溶溶漠漠秋
光淡耿耿寥寥夜色清不是靈根函爽氣如何醞
得此香成玉兔搗霜千萬粒淒風析作四花凝廣
寒慣識朝真趣一笑秋空意欲凌少雲名寅為兵
部侍即時同在剡

四季桂

予雪館嘗植四季桂白居易詩有木名丹桂四時
常馥馥棗據詩芳林挺芳幹一歲三四花據晉人
也

雪桂

雪館雪中桂有花坐客以為自古未有余曰李賀
詩雪下桂花稀杜牧詩桂花香帶雪古人已見之

山茶

平泉草木記曰得會稽之山茗越山固多也陶弼
山茶詩淺為玉茗深都勝大曰山茶小海紅先公
雪館山茶詩江南嘉木蔚蒼蒼能與山梅次第芳

葉厚耐擎三寸雪飛初怯受一番霜

石巖

花比杜鵑尤紅石巖先放葉後着花仲皎石巖花
詩 英歷歷燦晴空過了花間幾信風明日畫欄
供徙倚却須有句到芳叢

茶

王梅溪剡館茶 詩日烘香倍遠雨浥韻尤清山
谷詩雨浥何即試湯餅日烘荀令炷爐香其用日
烘乃山谷詩中來也先公剡中賦餘 花詩羽蓋
珠 上下蒙 碧動 蛟龍誰 淡素朝天面
自現光明滿月容楊柳風柔露絮濕薔薇 重染
衣濃典刑猶帶醺酣力醞得餘春百倍醞

杜鵑

剡僧擇璘杜鵑花詩 老麥黃三月天青山處處
有啼鵑 崖幾樹深如血照水晴花暖欲燃三嘆
鶴林成夢寐前生閨苑覓神仙小山拄頰愁無奈
又怕聲聲聒夜眠剡人謂之映山紅唐僧脩睦有
映山紅詩山前幾見煙 重溪畔曾逢雨 斜

瑞香

西太白山有此花盧天 剡山睡香花詩入夢生

香酒力微不須金鴨裊孤馥為嫌淡白非真色故
着仙家紫道衣時盧政在西山也了元瑞香譜曰
廬山瑞香比他郡最香信乎風物各有相宜吳曾
漫錄曰山瑞香花天聖中始傳東坡諸公悉作
瑞字山記中載瑞香花及訥禪師詩山中瑞米
一朝出天下名香獨見知張祠部以瑞為睡其詩
曰曾向州睡裏聞香風占世間春竊花莫撲
枝頭蝶見南山半夢人先公翰林詩雲岑深處
獨翹翹香逐山一夢銷味入禪心清透澈錦熏
篝暖不容招

紅梅

盧天驥迎薰堂紅梅詩河陽滿縣栽桃李風過落
花吹不起潘郎遠韻故不凡為米折腰聊尔尔剡
溪詩尹亦可人作堂餉客名迎薰雖無桃李繼潘
令紅梅一窠香入雲自憐多病綉衣客百年未半
先白長鞭短帽飽霜露田將蕪身未索何日
背琴携瘦筇鳴絃堂上迎薰風梅香已斷葉初暗
滿枝着子雙頰紅寄聲艇子可留意為我泂溪撐
短篷王梅溪紅梅詩桃李莫相妬天姿元不同猶
餘雪霜態未有十分紅

千葉黃梅

王梅溪詩菊以黃為正梅惟白最嘉徒勞千葉染
不似雪中花先公翰林詩一夢梨花失曉雲晚貪
黃裏弄精神寒枝染透蓄 猶向人間犯色

蠟梅

花有紫心者青心者紫者色濃香烈謂之辰州本
蠟梅聲名自蘇黃始徐師川詩所謂江南舊時無
蠟梅只是梅花 月開也王梅溪剡館蠟梅詩非
蠟復非梅誰將蠟染腮游 見 訝疑自蜜中來

菊

朱放剡溪舟行詩漠漠黃花覆水時時白 舡
此溪邊菊有花也先公於雪館西坡手種一二百
本最奇者紫菊丹菊杜荀 詩雨勻紫菊 色
風弄芭蕉葉葉 庾 詩層霄映紫芝潛澗汎丹
菊者是也先公有種菊詩菊載神農經不見詩三
百周官叙 衣一言僅可摘黃華紀呂令落英餐
楚客伯始飲得壽桐君書探賸移根候萌動需時
當甲柝我羨柴桑里敢希履道宅不種兒女花朱
朱與白 白閱譜品雖多求栽地恐窄握苗助其長
抱 以澤朗詠黃為正流播風 格寒香紫茁

蘭晚節銅柯栢相繼早梅芳一笑巡簷索

丁香

剡山白丁香絕多殊不惡李賀詩乱繫丁香梢滿
欄花向夕錢起丁香詩露香濃結桂池影闌蟠虬

簷蔔

此花生山谷榛篁間最多禪月所謂白簷蔔花露
滴也韓渥詩整釵梳子童呵酒菊花香杜甫梳子
詩其實也王梅溪詩禪友何曾到遠從毗舍園妙

香通鼻 悟佛根源

水仙

水仙自魯直文潛詩得名者有單葉者先公詩朝
朝暮暮泣陽臺愁絕冰魂水一杯巫峽雲深迷昨
夢 湘雪重寫餘哀 如相 無先意梅亦傾心
敢後開惱徹會心黃太史他花從此不須栽

薔薇

李易剡山詩剡山無數野薔薇黃雲 熲相回依
李白題東山亦曰不見東山久薔薇幾度花耳

凌霄

山谷老松凌霄直上與松 雨花零暑元積詩寒
竹秋雨重凌霄晚花落白居易詩有木名凌霄擢

秀非孤標

刻錄卷十



國家圖書館, NATIONAL CENTRAL LIBRARY, TAIWAN, R.O.C.

剡錄卷十一

草木禽魚詁中
果

梅

皇甫冉寄袁即中經剡詩受律梅初發班師草木
齊崔顥入剡詩山梅猶作雨溪橘未知霜仲皎次
韻王性之梅花詩白玉叢邊碧玉流見花無復為
花羞春風細雨 山路洗盡去年今日愁春到寒
林雪得知雪中誰解認芳姿溪山飛上一輪月香
滿風前獨立時擇璘梅花詩花老香微春始來禁

寒唯有雪相陪無情誰為添愁怯雨後風前亦可
哀江朝宗梅花詩朝宗枯蒼小小人家短短冷
香濕雪兩三枝寂寥竹外無窮思正倚江天日暮
時月淡霜清驛路長一枝春信到江鄉西山餓死
鬼猶瘦洛浦仙遊佩亦香先公翰林次韻新新數
點照疎 又拆今年第一枝只為知心無着處雪
中獨立最多時踏雪歸來水路長親曾相見白雲
御風來風去都無那分付行人一點香

杏

盧天 剡中詩山杏枝頭鸚鵡兒來傳春意語多
時王銍杏花詩玉人半醉點豐肌何待武陵花下
迷記得鞦 歸後約黃昏新月粉墻低醉裏餘香
夢裏雲又隨風雨去紛紛人間春色都多少莫掃
殘花 盡鬼

桃

張燕公題金庭觀詩他日洞天三十六碧桃花發
共師遊東坡詩云劉氏宅邊霜竹老戴公山下野
桃香王梅溪紅桃詩洗盡天天色冷然衆卉中却
將千葉雪全勝幾株紅

李

林檎剡郊野思詩故園桃李經年別一望歸心繞
翠蹊越桃李品最繁剡亦多佳種翠李 脂桃最
高李紳遊剡龍宮精舍晝寢有老僧見一黑蛇上
剡前李樹食其子復望東序而去入紳懷中僧曰
公睡中有所覩否李曰夢中登李樹食李甚美似
有一僧相逼乃寤僧知非常延遇甚謹

櫻桃

李易剡山詩豆角嘗新小麥秀來禽向長櫻桃肥
盧天 鹿苑詩把酒憐櫻筍臨流憶 魚沈約詩
野棠開未落山櫻發欲燃剡山固多山櫻

枇杷

謝靈運七濟曰朝食既畢摘果堂陰春惟枇杷夏
則來禽春安得有枇杷也始寧墅多植此剡坑吳
莊最多宋謝瞻枇杷賦曰肇寒葩於結霜成炎果
乎纖露則熟乎夏矣宋周祗枇杷賦曰四序一米
素華冬馥八字瓌妙

林檎

山居賦曰枇杷林檎帶谷映渚青李來禽出羲之
帖梅聖俞詩右軍好佳果墨帖求林禽李易剡山
詩豆角嘗新小麥秀來禽向長櫻桃熟

蓮

剡少陂濕蓮芰非利錢昭度剡溪詩到處楊柳色
幾家荷葉風尚言此也擇璘荷花詩雙雙白鷺墮
青空飛入花汀雜翠紅煙火一逢漁舍晚歸時蕩
漾小舸風全似惠崇大年小景

瓜

剡之西大平鄉產奇瓜紺翠如筍味絕佳庾信所
謂美酒含蘭氣甘瓜開蜜筒奇靈敏剡人種瓜營
葵朝採夕生

棗

棗 在嵎山間往往青棗耳韓愈詩棗園落青璣
瓜哇爛文貝唐詩雨顆青璣密風香白雪翻若蕭
山則赤棗甚奇庾肩吾詩踴躍潁魚醉參差絳棗
浮是也

石榴

剡近東陽故多榴房晉潘岳張載張協應貞潘岳
夏侯湛若庾儵范堅宋顏測皆有安石榴賦古人
愛之若此

葡萄

廣志曰葡萄黃黑白三種越剡間多碧葡萄王梅

溪剡倍葡萄詩珠帳累累挂龍鬚蔓蔓抽從渠能
美釀不要博涼州

木瓜

越剡所產多青瓜不復丹 如宣城梅溪者何承
天木瓜賦曰維茲木之在林亦超類而獨召方朝
華而繁實比沙棠而有曜佳語也

胡桃

尚書故實曰右軍禽李帖又曰胡桃種已成矣木
玄虛四明山記曰芙蓉峯山足生胡桃今新剡間
種此晉鈕滔母荅吳國書胡桃外剛樸內柔甘質
似古賢欲以奉貢善形容如此

柿

剡所多也種亦不一謝 運山居賦曰枰柿披實
於長浦簡文賜柿啓有云懸霜照米四字甚奇

枰

潘岳詩前庭樹沙棠後園植烏枰

梨

剡梨多種蓋杜詩所謂塞柳亦踈翠山梨結小紅
者然更有大且重者庾信詩寒谷梨應重秋林栗
更肥

栗

十

始寧墅有栗圃陶居曰栗會稽最豐諸暨形大皮厚不美剡及始寧皮而甜秦系謝朱放訪山居詩 栗添初味殊花帶老顏又山中寄錢起苗發詩稚子唯能覓梨栗逸妻相共老煙霞

榧

平泉草木記曰木之奇者稽山之榧東坡詩彼美玉山果粲為金槃寶玉山屬東陽剡暨接榧多佳者僧巽中槩湯詩久厭玉山果初嘗新槩湯槩肉和以生蜜冰腦作湯奇絕其木宜製書几王昌齡詩 香淨槩按松影閑瑤墀是也

柑

剡素無柑近有種者榧實來風味不減黃巖胡柑賦處漢之南背江之陰水帶清流山向高岑種柑法也

棖

張籍詩山路貴棖熟沙田紫芋肥真剡中風物也梅聖俞詩越 橙熟久楚飯稻春初

橘

崔顥詩剡詩山梅猶作雨溪橘未知霜任昉述異

記曰越多橘柚園越人歲稅謂之棖橘戶亦曰橘籍

柚

列子曰吳越人間有木焉曰櫨碧實冬青實丹而味酸爾雅音義曰柚作櫨崔琦七蜀曰于斯江澤實產 柚紫葉玄實綠裏朱莖謝惠連詩 苞者柚忘憂者壹實摘柯摧葉殞條繁

鍾乳

山居賦曰訪鍾乳於洞穴靈運自注曰近山竹有剡崖谷亦生焉梅福四明山記南一峯石壁數穴生石乳沈約遊金庭館詩朋來握石髓賓去駕輕鴻剡固有此也又詩玉竇膏滴瀝石乳室空籠鮑昭詩銅溪晝森沉乳竇夜滴瀝刘剛詩石床 新溜乳金竈欲成丹姚劄詩玉英 石乳黃粉落松花皮日休詩鶴 入夜歸雲屋乳管逢春落石床張籍詩石洞新生乳寒泉舊養龍李適詩捫壁窺丹井梯苔瞰乳穴章孝標詩露寒鍾乳結風定玉花香古人詩中多喜用此

崖谷間亦有之人不知來耳李白剡中詩無以墨
綬苦來求丹砂要寰宇志曰會稽歲貢丹砂

禹餘糧

舊經曰嶽北餘糧嶺產禹餘糧博物志曰禹治水
棄餘食於江為禹餘糧李羣玉詩澗有堯時韭山
餘禹代糧逋翁剡紙歌宛委山裏禹餘糧石中黃
子黃金屑

雲母石

剡山接地壁嶺道間所生石色晶熒葛洪丹經用
雲子者雲母也白居易詩朝餐雲母散夜吸沆瀣
精張籍詩鍊成雲母休煩爨占得雷公當吏兵皮
日休詩深夜數甌唯栢葉清晨一器是雲華注曰
雲華雲母別名

石燕

梅福四明山記曰南峯之北巖生石燕

茯苓

山居賦曰茯苓千歲而方知杜甫茯苓詩翻動神
仙窟封題鳥獸形李益茯苓詩松膏為茯苓妙者
鶴形章孝標詩注併雲母滑漱齒茯苓香剡山
多喬松松下多苓典術曰松脂入地千歲為茯苓

木

剡山有木爾雅曰木山薊也庾肩吾木煎啓曰綠葉抽條生於首峯之側紫花標色出自鄭巖之下楊侃詩結野客前溪住採木幽人絕頂行方干詩迷收木路雪隔出溪時秦系詩霓裳雲氣潤石迳木苗香

黃精

舊經曰石鼓山多黃精博物志曰太陽之草名黃精謝靈運游名山志曰天室多黃精秦系期王鍊師詩黃精蒸罷洗瓊杯林下從畝石上苔昨日園畧未終局多乘白鶴下山來

諸真

本草曰齊越名山芋異苑曰野人謂之土蕪張師正倦游雜錄曰署預唐代宋名預改為藥

英廟諱上一字却呼預藥溫公送薯預苗詩客從魏都來遺我山蕪實則曰山蕪王荆公王岐公和蔡樞密山藥則曰山藥黃魯直和七兄山預湯詩則曰山預

地黃

山居賦曰采石上之地黃剡地種之白樂天採地

黃詩採之將何用持以易糗糧

仙茅

齊唐集曰少微山有仙茅詩曰仙方上品誇靈種
忽怪靈芝所紫苞玉澤返嬰看驗術少微山是小
三茅李商老詩聞說仙茅勝鍾乳移根遠自西山
阿剌亦有烏人少採耳

草

芝

鄭僧保剌人 墓芝生於墓

蘭

越絕書曰勾踐種蘭於蘭渚山舊經曰蘭渚山勾
踐種蘭之地王謝諸人脩楔蘭渚亭山居賦曰風
生浪於蘭渚日倒景於椒塗豈惟蘭渚多蘭剌蘭
固自漫山競秀但花不如蘭渚豐挺耳仲子陵幽
蘭賦曰貞正內積芬華外揚和氣所資精明自得
此十六字超出筆墨蹊迳其知蘭者乎王拱辰送
陸軫守越詩棊墅風煙清早夏楔亭蘭箔暗殘春
一時稱傑句錄之

秋蘭

山居賦曰水香送秋而擢舊注曰水香蘭草也當

是秋蘭。秋蘭古人最所鍾愛。一經靈均風騷之士
競知慕焉。離騷曰：秋蘭兮麝蕪，羅生兮堂下。綠葉
兮素華，芳菲菲兮襲予。又曰：秋蘭兮青青，綠葉兮
紫莖。張衡思玄賦曰：緝幽蘭之秋華。東京賦曰：芙
蓉覆水，秋蘭被涯。魏武帝陌上桑曰：柱杖桂枝，佩
秋蘭。曹植迷迭香賦曰：芳暮秋之幽蘭兮，麗崑崙
之英芝。又詩：繁華將茂，秋霜悴之。君不垂春，豈云
具誠。秋蘭可喻桂樹。冬榮。又詩：秋蘭披長坂。晉傅
玄秋蘭篇：秋蘭陰王池，池水且芳香。又詩：秋蘭豈
不芬，鮑肆亂其芳。玄鼓吹曲：又曰：謀言協，秋蘭清
風發其芳。陸機詩：氣惠秋蘭。潘岳詩：流聲馥秋蘭。
一秋蘭之微，而詞人眷眷如此，是亦瓌貞挺秀，可
以比德歟。比從永嘉移本大畧，如蕙擢花八九月
之交，香特重於春蘭也。

蕙

廣雅曰：蕙草，綠葉紫華。林檎詩：吳娘晚唱穿菱葉。
楚客春心記蕙叢。

長生草

剡之東四明山生草，曰長生不死草。雖甚枯槁，得
水即葱翠，甚為異也。東方朔神異經曰：會稽橫山

有草莖赤葉青人死之活十洲記曰不死草出
祖洲田死者活述異記曰漢武帝時月支國
獻活人草仙傳拾遺曰祖洲不死草在田中名
養人芝葉似菰不叢生一株活千人杜光庭神仙
傳曰秦皇時苑中多疫死者有鳥嚼草覆其面即
活王右丞長生草詩老根那復占春晴能住虛空
自發生

鹿胎草

獵士陳惠度射鹿剗山鹿孕而傷舐子死其處生
草曰鹿胎草

恒春草

唐方士梁鍾進恒春詩東吳有靈草生彼剗溪傍
既亂莓苔色仍連菡萏香金膏徒騁壽石髓莫矜
良儻使露洎滴還遊不死方

菖蒲

左氏傳曰昌歎說苑曰昌本陶隱居曰昌陽東坡
石菖蒲贊序蒲有昌陽之辨盧天道定林寺松
溪采石蒲詩曉竹隱隱入花村小雨初晴水氣昏
莫厭僧家能冷淡且穿芸屨采溪蓀仲皎詩破
雲根濕蒼玉擇詩寒石一拳添瘦削皆佳句

麝香采

西山有之即紫苑苗也

石耳

生四明山絕壁絕甘滑

茶品

會稽山以日鑄名天下余行日鑄嶺入日鑄寺緱日鑄泉淪日鑄茶茶與水味深入理窟茶生蒼石之陽碧澗穿注茲乃水石之靈豈茶哉山中僧言吾左右巖隴能幾何茶入京都奉臺府供好事者何可給蓋取諸近峯剡居半然則世之烹日鑄者多

剡茶也日鑄以水勝耳建溪顧渚溪以茶名者水也剡清流碧湍與山脉絡茶胡不奇余留剡幾年山中巨井清甘深絮宜茶方外交以茶至者皆精絕篋中小龍么鳳至鑄不擊唐僧清晝詩越人遺我剡溪茗採得金芽爨金鼎剡茶聲唐已著李易剡山詩雲 移佳茗風潭逸古松栽種也趁時務榷茗餘功王搗楮采榷也丹鼎山頭氣茶 竹外煙烹試也仲皎贈剡僧秀蘊點茶成梅花詩未飛三白雪先報一枝春皆飈流人也作茶品

瀑嶺仙茶

太白神仙

五龍茶

真如茶

紫巖茶

鹿苑茶

大崑茶

小崑茶

焙坑茶

細坑茶

泉品

陸羽水品二十劉伯蒟水品七品藻天下名

泉也余盡取剡中潭谷水入茶三嘆茶非水

不可水得茶方神耳盧天驥玉虹亭試茶詩

見飛泉眼即明玉虹垂地半天聲何時

敢無公事洗鉢重来汲淺清又航湖未逐鷓

夷子得水今同桑苧翁試遣茶甌作花乳從

教兩腋起清風斯人殊有風度作泉品

葛仙翁井泉

瀑布泉

縣西太白山 崖如林
木蔭 上有 仙翁祠

五龍潭

縣西北山多竹箭
山有寺兩山合

箬山三潭

縣東四明山山危峭恠石
深入山根中 在山之半石 有大土

山下在

石門潭 在縣西

響巖潭 縣西

動石潭 縣北

三懸潭 縣西南 之北石峭拔
老編蝠大如 栖中

紫巖潭 在縣西 其山

崇潭 縣西北 危峻下一日浮
潭言人之不可也然後造上

亞輔潭 縣西

泄潭泉 上乘寺

偃公泉

龍藏大井

明覺大井

竹山大井

謝巖潭 下有穴 水出焉

獅子巖大井 巖頭

剡錄卷十一

剡錄卷十二

草木禽魚詁下

禽

鶴

張 詩春雲剡谿口殘月鏡湖西水鶴沙邊立山
鵝竹裏啼李易剡山詩魚跳破浪奮赤鬣鶴唳投
松翻縞衣盧天驥剡中詩但數十家看鶴戶與兩
三隻釣魚舡

鵠

出山居賦廣志曰黃鵠出東海徐幹七喻曰雲鶴

水鵠張伯玉詩冷風徐引江鵠飛白雲迴首清猿啼李易剡山有浴鵠池詩沼從鵠奔添蕭索峯以翔解嘆嗟又浴鵠開新鑑纖塵莫遣遞

鵠布老切性不上樹

出山居賦朱超詩綠草閒遊蜂青葭集輕鵠謝朓詩田鶴遠相叫沙鵠忽爭飛郭璞上林賦注曰鵠似鴈無後指

鵠居苗反

出山居賦陸璣疏曰兩足之英有鵠爾雅曰鵠雉長尾走且鳴抱朴子曰雉有擅澤之鵠

雉

爾雅雉鸛也元稹詩馴鷗眠淺瀨驚雉入平蕪岑唐詩纖綸魚鬣尾鳴鏃雉摧班晉王叔之翟雉賦曰雉見質而不陋翟表文而不華晉孫楚翟賦曰班五色之奇章楊暕暕之清音爾雅曰鷓山雉尾長溫庭筠詩冉冉山雞紅尾長一聲樵斧驚飛起江濤剡中詩麥隴將雛馴乳雉柳塘遺子漾游

鷓

項斯詩更望會稽何處是沙連竹箭白鷓羣西京雜記曰鷓有白鷓有黑鷓李白詩請以雙白壁買

君雙白鷗時人所樂尚者

子規

李易剡山詩丁寧杜宇往江北為喚故人令早歸
仲皎懷剡川故居詩蝴蝶夢中新歲病杜鵑聲裏
故鄉愁成都記曰蜀王杜宇稱望帝死化為鳥名
杜鵑一名子規爾雅曰雉周即此鳥也越人謂之
謝豹

鶯

出舊經詩義疏曰黃鳥 鶯也或曰黃栗留或曰
黃鳥一名倉庚謝靈運酬惠連詩嚶鳴已悅豫幽

居猶陶

畫眉

梅聖俞詩山鳥本無名兩眉如粉畫文與可畫眉
詩百轉千聲隨意移山花紅紫樹高低始知鑠向
金籠聽不及林間自在啼剡林谷雅多此也

拖白練

張九齡詩山禽毛如白練帶栖我庭前栗樹枝張
祐詩紅蕉心半卷白練尾長垂文與可詩磐石坐
深林不欲人求見隔岸誰品絃教聲拖白練玉岑
山最多尤可玩爰

黃雀

剡人候雀曰白露來霜降去張芸叟詩所謂黃雀知時節清江足稻梁是也蘇子由亦曰秋風下黃雀飛禾日熟黃雀肥具曰百箇同缶仍相依者可醢也

婆餅焦

梅聖俞詩婆餅焦兒不食尔又向何之尔毋山頭化為石山頭化石可奈何遂作微禽啼不息先公翰林集高亭詩山亭十月晏溫朝倚檻一聲婆餅焦舌澁力微寒氣早不成清亮却成嬌

啄木

爾雅曰啄木鴛也白居易詩豈無啄木鳥背長將何為賈島詩經年抱疾誰來問野鳥相過啄木頻

布穀

出舊經溫庭筠詩蓮塘艇子歸不歸柳閣桑濃聞布穀

戴勝

出舊經爾雅曰戴勝鷲也春秋考異郵曰孟夏戴維降春秋說題辭曰戴維出蚕期起傳玄陽春賦曰覩戴勝之止桑聆布穀之晨鳴梅聖俞詩名暈

依麥雉戴勝統枝翔文與可詩戴勝入園 已老
栗留過壑 將熟程致道戴勝 曰惟戴雉氏知
與時通降于柔桑以趣女工

鳩

盧天驥剡詩強呼膏雨鳩閑管乍有香泥燕猛忙
巧婦鳥

出舊經鷦性巧巢至精若刺鞞又名鞞雀張祐詩
舊巢飛巧婦新葉長宜男梅聖俞巧婦鳥詩巧婦
口流血辛勤非一朝秀茶時補綻風雨畏漂搖

伯勞

出舊經周書時訓曰五月鷦始鳴蔡邕章句曰鷦
伯勞也李嘉祐詩映花雙節駐臨水伯勞飛

鴨鷓

盧天驥剡中詩山李枝頭鴨鷓兒來傳春意語多
時歐陽詹詩村店月西入山枝鴨鷓聲鴨鷓舅
也張祐詩落日啼鳥白空林 寄生胡文恭詩二
月辛夷猶未落五更烏舅最先啼此詩說盡鴨鷓
啼最早也

山鷓鴣

白居易山鷓鴣詩山鷓鴣朝朝暮暮啼復啼時

露白風淒淒黃茅岡頭秋日晚苦竹嶺下秋日低
山中最多

竹雞

梅堯臣詩恐傷爾心不敢泣春岡細雨聞竹雞林
和靖詩畫巖松鼠靜春塹竹雞深王性之詩慘慘
風林叫竹雞冥冥山路曉光微壁德操詩山尽路
迴人跡絕竹雞時作兩三聲陶岳零陵記曰竹雞
狀如鶉尾少長北夢瑣言曰竹雞食半夏

吐綬雞

荆太白山有雞五色吐綠綬號吐綬鳥埤雅曰綬
雞似雉吐物數寸食必蓄嗉慮觸其嗉行每遠草
木古今注曰吐綬鳥曰錦 禹錫吐綬鳥詩越
山有鳥翔寥廓嗉中吐綬光若若李易太白山吐
綬雞詩昔人仙去斷丹梯惟悴深山吐綬雞百轉
和鳴非我事漫將文米慰幽棲

鶉

博雅曰鶉善 梅聖俞鶉詩脫命秋隼下鳴鬪自
相捋夏為黃鶉秋冬為白鶉夏鶉入饌絕勝人多
籠致李白詩君看海上鶴何似籠中鶉

鷓鴣

剡溪上漁舟所載者也裴冕詩淺沙游蚌蛤危石
起鷓鴣蒼頡篇曰鷓鴣似鴝而黑楊孚異物志曰
鷓鴣不生卵而孕雛於池澤間又吐生以鏤掛其
項入水捕魚日得數百

翡翠

李紳詩魚驚翠羽金鱗躍蓬脫紅衣紫葍推于仲
文詩花驚飛翠羽萍散躍潁鱗柳宗元詩古苔凝
青枝陰草濕翠羽蒼頡解詁曰鷓鴣翠別名也韓渥
詩天長水遠網羅稀保得重重翠碧衣則謂之翠
碧鳥蔡邕翠鳥詩迴顧生碧色動搖揚縹青錢起
翠鳥詩擘破得泉魚一點翠光去形容盡矣李易
剡山浴鵠池詩翠光爭水鳥紅影湛山花謂此也

鷓

秦系剡中詩家中匹
笑池上群鷓盡欲飛
蒼頡篇曰鷓大如鳩山海經注曰鷓水鷓也南越
志曰鷓在海中隨潮上下常以三月風至乃還洲
嶼頗知風雲渡海以此為候

白鷺

朱放剡溪詩漠漠黃花覆水時時白鷺驚船趙湘
剡溪唐郎中所詩開池延白鳥掃樹帶清秋詩義

鳧
疏曰鷺好潔白齊魯謂之春鋤吳越謂之白鳥

梁簡文詩戲鳧乘汰下漁舟冒浪前文詩旅鴈同
洲宿寒鳧夾浦飛許敬宗詩波擁羣鳧至秋飄朔
鴈歸皆剡中風景毛萇詩傳曰鳧水鳥鄭玄詩箋
曰 鳧屬也方言曰野鳧甚小好沒水謂之鷺鷥
倉頡解詁曰 名水鷓晉張望鷓鷥賦曰惟鷺鷥
之小鳥託川湖以繁育能率性以閑放匪窘惕於
籠畜謝眺野鷺賦曰碎文錦之丹臆納綺綠之翠
衿

鷓鷥

溫庭筠詩剡溪魚客賀知章任達憐才愛酒狂鷓
鷥葦花隨釣艇蜻蜓菰菜夢橫塘謝惠連鷓鷥賦
曰覽水禽之萬類信莫麗乎鷓鷥服昭晰之鮮姿
憩川湄而偃息臨海異物志曰鷓鷥食短狐在溪
中無毒氣古人淮賦曰鷓尋狝而逐害是也陳昭
裕圖經曰鷓鷥宿渚若有敕令具浮游也雄左雌
右皆有式度

鷓鷥

周禮曰會稽宜鳥 注曰孔雀 鷓鷥之屬歐陽

詢曰鷓鴣似鳧高脚毛冠晉摯虞賦曰鷓鴣呈儀
若刻若畫巧態多姿乍浮乍沒

脊令

出越經杜公所謂沙晚脊令寒者越人曰雪姑贊
寧物類志亦曰雪姑爾雅則曰雝渠脊令也飛則
鳴行則搖又有坑鵠殊小

魚鷹

舟過嶧江一禽如雪擒魚健於隼問之漁人曰魚
鷹也溫公魚鷹詩翩然下林表不憚風湍惡歐公
詩輕飛若下鞬豈畏風灘惡人歸晚渚靜獨傍漁

麋

靈運自注山居賦曰麋音京能跳 字書曰麋大鹿也一角而牛尾王梅溪嶠山賦曰皇書亭畔又者麋滯之蹤

麇

出山居賦詩傳曰麇 也伏侯古今注曰奔人謂為 吳越春秋曰 者倬倬也麇性膽怯見水輒奔 文帝詩 弓忽高馳一發連兩麇張九詩雲鴈號相呼林麇走自索黃大史詩何

禍 煩公走騎割 肥

麕

爾雅曰麕大 旄毛狗足元稹詩庭狎仙翁麕池游縣令見葉清臣詩山迥人逢麕江清客厭魚杜甫 詩永與清溪別蒙將玉饌俱剡具庶乎

羴

出山居賦爾雅注曰羴羊似吳羊而大其角脩出義訓曰大角謂之羴廣志曰羴羊角重於肉代都賦曰羴羊養草以盤旋注曰暑天塵露在其角上生草戴之而行愛之獨寢

豕

舊經·禹錫進野猪狀曰收·之餘田獵有獲異
於芻豢者在方書

熊

李白詩湖月照我影送我至剡溪又云熊咆龍吟
豕冬蟄說文曰心有脂曰熊白味美好牽木引氣
莊子所謂熊經鳥伸冬蟄不食飢則舐其掌其美
在掌虛象詩 月聞山鳥寒崖見蟄熊李端詩熊
寒方入樹魚樂稍 泉陳陶詩鶴鳴高崖裂熊鬪
老樹倒梅聖俞詩霜落熊升木林空鹿飲溪

羆

出山居賦詩傳曰黃羆赤羆大如熊脂白而麓柳
宗元羆說曰羆之狀被髮人立絕有力

狸

說文曰狸伏獸淮南子曰狸頭似鼠剡 山谷產
玉狸東坡所謂牛尾狸也 原父詩狸品牛尾貢
茶牙 瓜長洪駒父詩官醅初 鴨頭綠滿眼俱
來牛尾狸

獾

出山居賦 百官名曰三公拜賜獾皮 一北史
曰老羆當道卧獾子那敢過剡山有之

猿

虞騫嶮亭詩澄潭寫度鳥空嶺應鳴猿李白剡中
詩猿近天上啼人移月中棹又曰謝公宿處今尚
在綠水蕩漾青猿啼劉長卿詩鳥道通閩嶺山光
落剡溪暮帆千里思秋夜一猿啼仲皎東太白山
猿亭詩桂煙 木冷啼月一山秋

狐

詩傳曰狐色赤北征記曰狐聽水無 乃度張說
詩啼猿抱山月飢狐獵野霜

豺

出山居賦爾雅曰豺狗足說文曰豺體細瘦謂之
豺春秋取 四面陳之謂之祭獸嘗行黃沙道中
見一豺 一野豕絕大為野丁所奪

獺

出山居賦埤雅曰獺似狐而青小腹似伏翼水居
食魚廣雅曰獺一歲二祭豺祭方獺祭圓續方言
曰 水居知水嘗於 江見獺祭以 大魚陳之
石上甚整宋之問詩飲水畏驚猿祭魚常見獺

剡太白山趙廣信煉丹登仙之處有赤 爾雅曰

父善顧郭璞注曰似猴而大能獲持人好顧昉
呂氏春秋曰猴五百年化為攫 天驥鹿苑寺詩
飢鼯 號窮冬層 秀壁撐晴空

兔

越山谷間產兔剡 尤多王充 曰兔舂雄毫
而孕口中生子博物志曰兔望月而孕子沈約
茅 平岡走 兔王維詩設置守 兔垂
釣得游 皆剡中景物也

鼯

李嶠詩棲鼯抱寒水流 飛暗 張 詩水 沙
邊立山鼯竹裏啼賈島詩磧鳥辞沙立山鼯隔水
啼爾雅曰鼯狀如小狐盧天驥鹿苑寺詩飢鼯愁
獲號窮冬

鱸介一

鱸

李白詩此行不為鱸魚膾自愛名山入剡中項斯
寄剡中友詩山晚迥尋蕭寺宿雪寒誰與戴家期
夜來忽覓秋風急應有鱸魚觸釣絲羊士諤詩山
陰道士桂花初王謝風流滿晉書會作江南步從
事秋來還復憶鱸魚

白魚

崕 下巨潭白魚所聚大者二三尺頭昂者第一尾頰者謂之追紅白杜甫詩白魚困密網黃鳥喧佳音方干詩山鳥踏枝紅果落家童引釣白魚驚常應物詩沃野收紅稻長江釣白魚白居易詩青青芹蔭下疊卧雙白魚

青

青魚頭色微青刘邵七華曰洞庭之鮒青 碧鱗盖此類池中所蓄不及溪中者向過娥江漁人數連網得此魚可三四尺剡水所有乃江中物也

鯉

出山居賦爾雅曰鯉鯢也陸璣疏曰鮒鯉也本草經曰蠡今作鯉字

鮒

出山居賦王肅易注曰鮒小魚廣雅曰鮒鮒也刘邵七華曰洞庭之鮒出于江岷素腴青顙朱尾碧鱗

鯁

鯁即鯿也魚詩美曰鯿似鮒而大頭魚之不美者土語曰買魚得鯿不如啖茹埤雅曰吳越呼鯿鯽

魚齋唐越吟行梗柁非給燎魴 必施眾

鱒

出山居賦陸璣疏曰鱒倪似魴鱗細於魴赤眼多
細文孫炎爾雅正義曰鱒好獨行

鯢

爾雅曰鯢鯢也陸璣疏曰鯢似鯉狹而厚江東呼
為鯢魚今剡漁謂之逆者鱒鯢之類也

鯉

李易剡山詩魚跳破浪奮赤鬣鶴唳投松翻縞衣
赤鬣鯉也范 魚經有養鯉法剡人有治陂池蓄

鯉處

刻錄卷第十二終

國家圖書館, NATIONAL CENTRAL LIBRARY, TAIWAN, R.O.C.

